

74

DISSERTATIONVM IVRIS
PVBLICI AC FEVDALIS,
DE
FEVDIS IMPERII

P R I M A:
EORVM ORIGINES,
ATQVE
**INDOLEM, SVB PRIMIS FRAN-
CORVM REGIBVS,**
ILLVSTRANS:


QVAM,
IN REGIA FRIDERICIANA,
P R A E S I D E
IACOBO GABRIELE WOLFIO
I. V. D. ET PROF. PVBL.



PVBLICE DEFENDET
R E S P O N D E N S,
EHRENREICH GERH. COLDEWEY
FRISIVS.

DIE MARTII, A. O. R. MDCCXXIV.

HALAE MAGDEB.
LITTERIS HENDELIANIS.





PROOEMIUM



On dubito, fore nonnullos,
qui, perspecto fugitiva men-
te rubro, existimaverint,
me, de feudis Imperii li-
bellos parantem, actum
agere, opusque adeo conficere inane. In
horum itaque gratiam necesse est, ut pau-
cis coepti instituti rationes exponam. Ex
quo enim in FRIDERICIANA publico
docendi jura munere fungi coepi, in eo
etiam fui, ut & diversas a provincialibus
A feu-

feudorum Imperii rationes in jurisprudentia feudali illustrarem.

Hunc in finem quoque ITTERI librum, quem ex instituto *de feudis Imperii* conscripsit, in subsidium, ut fas est, vocavi. Cujus laboris licet me nec pudeat, nec pigeat; neque ea mentis arrogantia tumescam, ut promeritis Auctoris laudibus derogare, justumque operi pretium negare audeam; officii tamen rationes etiam exigere arbitror, ut liberius dicam, non tam omnibus opus istud numeris esse absolutum, ne sit, quod addi, quodque emendari queat. Quapropter, cum illustria feudorum Imperii instituta præ ceteris digna sint, quæ aliorum quoque studiis melius pedetentim explicentur; non abs re futurum existimavi, si aliquam &
ego

ego rei perficiendæ operam impenderem. Ecce igitur ; B. L. primas futuri operis lineas , quod sequuturis pedetentim dissertationibus , juvante summo Numine , ita absolvere animus est, ut, post curas demum secundas, justum fore aliquando de feudis Imperii *Systema* in lucem prodire publicam queat. Te vero interea enixe rogo atque obtestor , ut faveas instituto meo , in commune bonum litterarium suscepto.



DISSERTATIO PRIMA,
DE
FEUDORUM IMPERII
ORIGINE ATQUE INDOLE
SUB PRIMIS FRANCORUM REGIBUS.

§. I.

*Feudi vo-
cabulum
barbarum.*

Feudi vocabulum barbarum esse, id qui-
dem vix quenquam, qui accurata rem
lance pensitaverit, inficias iturum exi-
stimo. Quod qui perspectum habent
cognitumque, non una tamen omnes ratio-
ne illius derivationem explicant; sed in di-
versas potius, ut fieri & in aliis solet, abeunt
sententias.

§. II.

*Utrum à
Sede?*

*an à fōden
derivetur?*

Aliis quippe hæc mens hæret, vocabulum
feudi quam rectissime a *Sede*, quæ vox bel-
lum Latinis significat, derivari; cum bella
inprimis feudorum auspicia atque incremen-
ta promoverint. Alii vero secus sentiunt,
origines vocabuli feudi à *fōden*, seu *fūden*, (ale-
re)

re) repetendas arbitrati; eo, quod feuda alendis possessoribus inserviant. (a) Quæ quidem etymologiæ licet aliqua se verisimilitudine commendent; mihi tamen satis ideo non faciunt, quod alia est cognita, majorem verisimilitudinis speciem præ se ferens.

§. III.

Nempe rectius rationes subducere existimo, qui feudi nomen à *Seode* ortum esse statuunt, his potissimum rationibus permotus:

1) vocabula enim *FEODUM*, *FEODARIUS*, *INFEODARE*, in vetustioribus monumentis frequentius inveniuntur; 2) ob significatum vocabuli *Seode*, quod prædium significat *STIPENDIARIUM*, seu prædium, pecoribus aliisque rebus ad vitam alendam facientibus instructum; 3) quia vocabulum *FEODUM*

A 3

quam

- a) Patronos utriusque sententiæ laudat *ITTERUS* Cap. II. §. 9. Alia barbaræ indolis etyma; longius petita, hic omittimus. Cui tamen volupe est, talia scrutari, summam eorum in *Illustr. Dn. de LUDEWIG jure client. S. I. C. II. §. 6.* expositam deprehendet.

Mibi à Seode.

quam facillime in FEUDUM potuit mutari. (b)

§. IV.

*Errant, qui
latinum
arbitran-
tur.*

Quæ cum ita sint, erroris dubio procul arguendi, qui vocabulum credidere latinum, atque id ipsum vel à FOEDERE, quo dominus & vasallus junguntur, FOEDI scriptura, alicubi ex antiquis monumentis eruta, decepti, derivarunt; vel, quod frequentissimum est, à FIDE, juris feudalis (c) auctoritate perperam moti; (d) quam profecto tantam esse minime oportet, ut vincat rationem.

§. V.

*Res voca-
bulo anti-
quior.*

Feudi vocabulo, quod paucis illustravimus, res ipsa est antiquior. Illius enim vix ul-

b) Conf. HULDERICI ab EYBEN *electa juris feudalis cap. I. §. 8.* SCHILTERI *comment. ad rubr. J. F. A. §. 7.* Illustris Dn. de LUDEWIG *cit. jus clientelare, sect. I. cap. II. §. 2. 3.* Adde GUNDLINGIANA *part. I. obs. I. §. 15.* nec non STRUVII *hist. jur. feud. §. 2.*

c) 2 F. 3. *in fin.*

d) Commendandum denuo ante laudatum *jus clientel. cit. cap. §. 5.*

ullum in latinis libellis ante seculum XI. fuisse usum, extra omnem fere dubitationis aleam hodie apud non nullos est positum. Quod si celebris admodum de expeditione Romana constitutio CAROLO CRASSO vere posset vindicari; nemo profecto dubitaret, quin vocabulum, quod in illa occurrit, seculo IX. esset usurpatum. (e) Quam quidem constitutionem licet ob errorem nominis falsam omnino spuriamque non nulli pronuntiaverint; (f) eam tamen, si rem spectaveris, genuinam esse, sed CONRADO SALICO tribuendam, adeoque ad seculum XI. referendam, a viris harum rerum peritissimis jam est

- e) In constitutione de expeditione Romana, quam FREHERUS, GOLDASTUS alique publicæ lucis fecerunt, hæc leguntur: *Cuicunque secundum hanc legem expeditio imperetur, si ad curiam Gallorum, hoc est, in campum, qui vulgo Rungalle dicitur, dominum suum non comiletur, & ibi cum militari apparatu non representetur, FEODO, præter hos, qui cum gratia dominorum suorum remanserunt in conspectu nostro, absque spe recuperationis, privetur. Quæ vox deinde repetitur.*

- f) Prout CAROLUS du FRESNE in glossario sub voc.

est ostensum. (g) Interea non defunt, qui antiquiorem vocabuli usum esse, argumentis, non omni tamen exceptione majoribus, contendunt. (h)

§. VI.

voc. feudum. Tom. II. p. m. 406. col. b. alique passim testantur; inprimis OBRECHTUS in *dissertatione de expeditione Romana.*

- g) Laudandus hic SCHURZFLEISCHUS, quippe qui *dissertatione de Conrado Imperatore Augusto ejusque diplomate, quod de expeditione Romana inscribitur*, sententiam hanc pluribus exposuit; quam & commendant GUNDLINGIANA P. I. obs. I. §. 15. Adde SCHILTERI *Commentar. ad jur. feudalis Alemann. cap. II. §. 10. seqq.* Ipse quoque FREHERUS in *suis ad constitutionem adductam annotationibus antiquiorem vocabuli usum in dubium vocavit, id ipsum Friderici demum Imperatoris ævo usurpatum ratus.* SELDENUS in *glossario, historia Anglicana subiecto*, ante annum millesimum in nullo monumento, quod non suspectæ fidei fuerit, se feudi nomen reperisse testatur. Conf. EYBENII *electa jur. feud. cit. loc.* inque primis Illust. Dn. THOMASII *dissertat. de libri veteris de beneficiis auctore, sato, vetustate &c. §. 15. seqq.*

- h) Horum in numero est ANTONIUS DOMINICUS de *prærogativa allodiorum cap. XV. §. 1. sed con-*

§. VI.

Quæ itaque feuda dicimus, aliis quondam nominibus fuere signata: quorum frequentissimum fuit BENEFICII nomen; veleo quidem sensu, quo beneficium idem est, ac prædium stipendiarium; vel ideo, quod a dominorum beneficentia erant profecta, atque largitatem fidelitatis causa factam potissimum

*Feuda
quondam
dicta bene-
ficia.*

constitutione de expeditione Romana, quam Carolo Crasso tribuit, aliisque monumentis Sec. IX. deceptus, quæ spuria esse, adductus paulo ante CAROLUS du FRESNE contendit. Quid? quod HORNIUS in *jurisprud. feud. cap. II. §. 1.* in hæc ad finem verba erumpit: *quid vetat dicere, ante Caroli Crassi ætatem, Lotharii I. ævo, jam inclausisse hanc vocem?* Nempe provocat ad constitutiones Lotharii, quæ *1. F. 19. seqq.* leguntur, quasque *cap. I. §. 20. suæ jurisprud. feud.* Lothario I. vindicare conatus est. In harum enim prima (*1. F. 19.*) feudi vocabulum apparet. Verum uti adhuc sub iudice lis est, utrum istæ constitutiones sint Lotharii I. ita porro, licet hac de re nullum superesset dubium; nil tamen obstarer, quo minus quis responderet, vocabulum hoc a compilatoribus recentiori ævo esse insertum; cum in ipso illo capite æque, ac proxime sequentibus, *beneficii* vox usurpetur.

simum exprimebant. (i) Qui significatus in primis quoque ob oculos versatus est auctori LIBRI VETERIS DE BENEFICIIS; (k) quemadmodum & libri feudorum eundem legentibus exhibent frequentius. (l) Quæ quamvis ita se habeant; silentio tamen hic tegere nequeo, beneficii vocem laxiori etiam significato mediæ ævi scriptoribus usurpatam fuisse, sæpiusque omnes denotasse fundos usufructuarios, qui Regum liberalitati ferebantur accepti. (m)

§. VII.

i) Hunc vocabulo significatum antiquiores jam Romanos tribuisse, idemque adeo Latii sermonis puritate pollere, non unus jam ostendit. CAROLUS du FRESNE in *gloss.* voc. *beneficium*. SCHILTERUS in *commentario ad rubr. J. F. A. §. 5.* Illustr. Dn. a LUDEWIG in *jur. client. Sect. I. cap. II. §. 8. 9.* Adde GUNDLINGIANA *part. I. obs. I. §. 9. 10. 11.*

k) Quem Illustr. Dn. THOMASIVS *selectis suis feudilibus* adjecit.

l) E. gr. 1. F. 1. §. 2. nec non 2. F. 34. §. 2. itemque 2. F. 55. pr. Quæ hic sufficere posse arbitror.

m) Observavit hoc pariter CAROLUS du FRESNE *cit. loc.* SCHILTERUS in *comment. ad rubr. jhr. feud.*

§. VII.

Porro paucis adhuc annotandum, feuda quondam etiam audivisse HONORES, MILITIAS, MINISTERIA, nec non MUNERA REGIA. (n)

Alia eorum nomina.

§. VIII.

Germanis quondam vocabulum *Feode* usurpatum; cui deinde (o) vox *Lehen* successit, BENEFICAM potissimum CONCESSIONEM significans, atque adeo etiam de contractibus beneficiis, 'mutuo & commodato, majoribus nostris usurpata. Minime tamen unicum hunc vocis significatum defendo; sed potius varium esse, quam lubentissime largior; cum & mihi cognitum sit ac perspectum, eandem tum interdum ad contractum LOCATIONIS CONDUCTIONIS, tum ad JUDICIALES ALLODIORUM TRANSLATIONES applicari. (p) Quare

Germanorum Lehen explicatur.

B 2

ex

feud. Alemann. §. 5. Adde jam jam laudata selecta feud. cap. I. § 37.

- n) Testimonia copiosius adduxit STRUVIUS *in bist. jur. feud. ad §. 1.* Evolvendus quoque du FRESNE.
- o) Vix ac ne vix quidem ante seculum XII. eam contigisse mutationem, *cit. jur. client. S.I.C. III.* ostenditur.
- p) Notissimæ sunt formulæ: *einem das Hays in Lehen*

ex negotii, quod gestum est, momenti caute judicandum, utrum contractus beneficiarius, an vero aliud quid vocabulo hoc indigetur.

§. IX.

Feudi definitio.

Quibus de nominibus ita expositis, ad rem definiendam progredior. De qua quidem licet non una sit doctorum concertatio; operæ tamen pretium haud esse existimo, eam hic prolixius explicare. Mihi interea FEUDUM est (q) JUS UTENDI PRÆDIIS, TERRITORIIS, JURIBUS, OFFICIIS, (r) NEXU SINGULARIS

hen geben; einen an die Lehen schreiben, & similes; licet de allodiis sermo.

- q) Non nunquam etiam feudum denotat actum, quo jus vassallo constituitur; vel rem in feudum delatam. Verum & hoc sensu acceptum feudum facile potest defini, adhibita duntaxat aliqua meæ definitionis conversione.
- r) Non equidem obscurum mihi est, ab interpretibus juris feudalis & feudâ, in pecunia similibusque rebus fungibilibus constituta, nominari; nec nego, talia intellectu concipi posse. Cum autem eorum vix ac ne vix quidem exempla ostendi queant; ad frequentiore potius rerum usum definitionem esse formandam, existimavi.

LARIS FIDELITATIS (S) INTERCEDENTE, CON-
CESSUM.

§. X.

Feudum itaque IMPERII (t) mihi est JUS *Feudum
imperii
quid?*
UTENDI PRÆDIIS, TERRITORIIS, JURIBUS, OF-
FICIIS REGNI GERMANICI, NEXU SINGULARIS FI-

B 3

DELI-

- s) Intelligo hic fidelitatem, quam vocant, feudalem, die Lehens-Pflicht; cujus frequentissima hæc est conditio, ut vasallus dominum præ aliis colere ac vereri, salutem ac fortunam ejus promovere, atque his adversa avertere teneatur; ita quidem, ut beneficio privari queat, si hujus officii rationes turpius neglexerit. Neque enim severiori simplex vasallus pœna affici potest, quam ut beneficium ipsi auferatur; cum subditus contra vel ipso capite plecti queat. Quid? quod & fidelitas feudalis adeo juncta est feudo, ut, hoc sublato, & illa expiret; cum tamen perfectæ subjectionis civilis fides, omnibus quamvis facultatibus amissis, perduret.
- t) Imperii vocabulum significatus hic est politici; singularem quippe Regni Germanici eminentiam complexum, quæ inde potissimum orta, quod Imperii Romani jura, cum elogio Imperiali, huic Regno quondam juncta. Quod quidem CAROLI M. ætate contigisse, cum aliis fal-

fo

DELITATIS INTERCEDENTE, AB EJUSDEM CAPITE SUPREMO PROXIME ACCEPTUM. (u)

§. XI.

so arbitratu ITTERUS *de feud. Imp. c. 1. §. 11.* Ex genuinis enim historiarum monumentis nunc satis constat, imperii Romani Majestatem suæ tantum genti familiæque, non Germaniæ, CAROLUM M. acquisivisse; novaque adeo opus fuisse OTTONIS M. occupatione, ac nova cum Romanis atque aliis Italiæ ordinibus conventionē, subsequutis temporibus aliquoties repetita, qua nexus ille fuerit perfectus.

- u) ITTERUS *de feud. Imp. cap. 11. §. 12.* hanc tradidit explicuitque definitionem: *Feuda Imperii nihil aliud sunt, quam feuda ligia, quæ Imperator, aut Imperii consors elargitur, vassallos ad fidelitatem sibi atque Imperio exhibendam obstringens. Cumque ligii feudi nomine id complectamur, quo fidelitatem, nullo excepto, quis domino prestare obstrictus est, omnia hæc nobis feudis aptari posse, ostensu facile esset, idque pluribus adstruunt Mylerus &c.* Verumenimvero, Iterum sola celeberrimorum, quos excitavit, virorum auctoritas, minime juvat, ubi rerum argumenta deficiunt. Tantum enim abest, ut Imperii ordines, ad Imperatoris jussum, adversus quoscunque servire teneantur; ut potius nullum sine eorum consensu comitali bellum, Imperii nomine, gerere queat Imperator.

§. XI.

Varias de prima hujus instituti origine sententias prolixasque Doctorum ea de re contentiones hic repetere non juvat; quas copiosius jam exposuere notissimi interpretum commentarii. (x) Id interea exploratum habeo, proximiores feudorum justorum origines ad Germanos esse referendas; licet inficias ire nequeam, in nonnullis aliarum gentium institutis, atque in primis in BENEFICIIS (y) ROMANORUM, aliquam feudorum similitudinem posse ostendi.

*Origines
feudorum
Germani-
ca.*

§. XII.

- x) Egit ea de re quoque ITTERUS *Cap. I. §. 1. seqq.*
Conf. Ill. Dn. THOMASII *diff. de orig. feud. it. SPERNERI primit. hist. feud.*
- y) Sermo mihi est de beneficiis militaribus, quæ ad Alexandri Severi ætatem referuntur. Insigne est ÆLII LAMPRIDII, in *vita Alex. Severi, cap. 58.* testimonium: *Sola, quæ de hostibus capta sunt, limitaneis ducibus & militibus donavit, ita, ut eorum ita essent, si heredes illorum militarent, nec unquam ad privatos pertinerent, - dicens, - attentius eos militaturos, si etiam suarura defenderent. Ad-didit sane his & animalia & servos, ut possent colere, quod acceperant: ne per inopiam hominum vel per se-*
nectum.

§. XII.

Orig. feu-
dal. Germ.
rationes.

Ut autem proximiores justorum feudo-
rum origines Germanis tribuerim, hæ potis-
simum rationes effecere. INITIO etenim an-
tiquiores Germanicarum rerum scriptores
ejusmodi beneficiorum clientelarium exem-
pla adducunt, quæ ex aliarum gentium insti-
tutis

*negludentium possidentium, deferrentur rura vicina barba-
ria: quod iurpissimum ille ducebat. Ad quem Lam-
pridii locum hæc annotavit CASAUBONUS:
est hic species quadam feudi, vel potius initia quadam
ejus juris, quod postea varie introductum est, & feudo-
rum appellatione designatum. Provocat deinde ad ea,
quæ VOPISCUS in Probo narrat: Veteranis omnia
illa, quæ anguste adeuntur, Isauria loca, privatis dona-
vit, addens, ut eorum filii, ab anno octavo decimo, ma-
res duntaxat, ad militiam mitterentur. Quæ sua
quoque fecit CAROLUS du FRESNE in glossar.
sub voc. feudum. Rem magis illustant GUND-
LINGIANA P. I. obs. l. §. 11. 12. 13. inque primis P. XV.
O. 2. ubi, quæ & aliis placuit, sententia pluribus
argumentis defenditur: Germanos, postquam
in Romanas provincias invaserint, hoc beneficiorum
militarium institutum ita esse imitatos,
ut inde orta sint Germaniæ feuda, magis pede-
tentim magisque exulta. Quæ quamvis infi-
gnem*

tutis vetustioribus nemo huc usque certo demonstravit. Post, & Germanos justorum feudorum institutum ad peregrinas, in quas migrarunt, regiones transtulisse, conitat.

C

DEIN-

gnem veri præ se ferre speciem videantur; placuit tamen viris Celeberrimis, BURCARDO GOTTHELF STRUVIO, & JACOBO CAROLO SPENERO, dubiis III. GUNDLINGIO objectis, sententiam hanc omnino declinare. Scilicet alter in *historia juris feudalis ad §. 3. not. **** hæc habet: *Videmus hic pradia concessa iis, qui ipsa defendere vellent; vasalli autem dominum suum sequi ubique tenentur in militia. Concedebantur ista pradia jure hereditario, cum feuda primitus saltem ad vitans precarii jure concederentur. Nullam reperimus singularem de fide obligationem; qua tamen de essentia est feudorum. Nec credendum facile est, Francos, primos feudorum auctores, hunc a Romanis morem hausisse, qui illorum instituta potius abominabantur. Immo, dum in Oriente saltem hæc beneficia, ut eo certius in barbarico solo limite suos defenderent, concesserint Romani; vix ita ad notitiam Francorum pervenire poterant. Alter equidem V. C. in primitis hist. feud. obs. I. §. 6. not. (i) largitur, quod in GUNDLINGIANIS jam demonstratum, Germanos Romanorum mores imitatos esse, dignitatesque Romanas in aula, curia, atque militia retinuisse, publicisque multis institutis libenter*

DEINDE & leges Germanorum antiquissimæ
de feudis conceptæ rem confirmant. PRÆ-
TEREA

benter usos esse, ut & publicam rem suam ordinatiorem redderent, & præterea adfuetas publicis Romanorum legibus provincias eo felicius regerent. Privatos vero suos mores mordicus servasse Germanos, arbitratur; atque ex his feudorum instituta fuisse, quæ adeoque non a Romanis acceperint, sed ex patria sua & moribus suis attulerint. In testimonio Lampridii meram Principis donationem describi; nullam fidei conditionem imperatam; maleque igitur istis donatis plenaque & hæreditario jure concessis bonis convenire cum feudis. Verum enim vero qui ipsas, quas adduxi, observationes GUNDLINGIANAS, atque in primis posterio-rem, curatius perlegerit, is certe sine negotio intelliget, potiora jam in illis apparere momenta, quæ ad solvenda dubia facere queant. Dicam ego interea modestius, pace Virorum Celeberrimorum, quæ præsens poscere occasio videtur; solo veri, partium omnino nullo, studio permotus. Scilicet persuasissimum mihi est, beneficiis istis Romanorum admodum cum feudis convenire. Ut ut enim vero est concinnum, quædam fuisse pleno atque hæreditario jure donata veteranis inermibus: hic tamen de ejusmodi beneficiis sermo est, quæ erant publica, nec unquam ad privatos pertinebant; sed fructuario potius jure pos-
fide-

TEREA veterum Germanorum, ante quos fide ac virtute bellica nulli mortalium fuere; (2) quique libertati admodum studuere, genio hoc beneficiorum institutum perquam

C 2 fuit

fidebantur a militibus, ad bellicum armorum usum aptis; a quibus nec in alios heredes transibant, præterquam pariter militiæ capaces, beneficiis ejusmodi largitionibus excitandos, ut attentius, majorique fide, in publicam civitatis salutem, militarent. Conf. THEODOSII *nov. 31. de ambitu & locis limitaneis*. Quæ cum ita sint, & militia bene ordinata ad rempublicam feliciter regendam non parum conducatur; vix ullum cuiquam superesse credo dubium, quin ista beneficia ad publica Romanorum instituta sint referenda; & quin possessoribus fidei militaris conditio fuerit imperata. Porro quis, quæso, hæc probe perpendens, affirmabit, hujus generis beneficiarios adeo glebæ fuisse adscriptos, fundisque affixos, ut nec Ducem unquam sequuti fuerint in militiam. Denique, non solum in oriente, sed & in occidente, ejusmodi beneficia militaria usu viguisse, jam ostendit JACOBUS GOTHOFREDUS *in comment. ad Cod. Theodos. tit. de rei vindicatione, nec non tit. de terris limitaneis*.

- (2) Hoc Germanos elogio extollit TACITUS *annal. libr. XIII. C. 54.*

fuit concinnum. PORRO & æris, quo fidelium bene merita, constitutis salariis, remunerarent, copia majores nostri caruerunt, atque adeo, prudentia duce, merito beneficia pro stipendiis elegere. DENIQUE nec silentio prætereundum, non pauca, quæ in jure feudali occurrunt, vocabula esse Germanica; unde non leve etiam, pro prima, quam defendimus, justorum feudorum inter Germanos cultura, oritur argumentum. (a)

§. XII.

*Taciti evonondum
existere
feuda.*

Minime tamen eam feudorum in Germania antiquitatem statuo, ut eadem à Taciti ætate repetenda censeam. Quæ enim pro hac (b) sententia in medium producuntur,

(a) STRUVII *Synt. jur. feud. C. I. ad aphor. 3.* EYBENII *electa jur. feud. C. II. §. 1. 5. 6. Cap. IV. §. 1. seqq.* ITTERUS *de F. J. C. 1. §. 7.* Ill. Dn. THOMAS. *diff. de origin. feud. §. 13. cum annotationibus.*

(b) STRUVIO hæc vulgo tribuitur sententia; qui tamen dubius in *Syntagm. jur. feud. cap. 1. thes. III. n. 13.* eam proponit: *occasionem*, inquit, & *seminaria feudorum introductorum in Germania fortasse deducere licet ex Tacito, qui libell. de morib. Germ. pluribus*

tur, argumenta non, nisi occasionem remotiorem, ut & vestigia quædam atque incunabula feudorum demonstrant; ita quidem, ut vero non sit dissimile; intimum illum, quem TACITUS (c) laudat, virtutis ac fidei inter principem fidissimosque comites nexum, in posteris etiam dubio procul continuatum, ortis tandem justis beneficiis viam parasse. (d)

C 3

§. XIV.

bus tradit, principes amplo comitatu studuisse, quem ex bello aluerint & ad bellum conduxerint; de illis comitibus inter alia hæc quoque scribens: infame in omnem vitam ac probrosum, superstites principi suo ex acie recessisse. Illum defendere, tueri, sua quoque fortia facta gloriæ ejus assignare, præcipuum sacramentum est. Principes pro victoria pugnant, comites pro principe. Hæc Tacitus. Confat ex his verbis, quod Germani Principes haberint comites, qui ipsis fidelem in bellis exhiberent operam. His fidelibus credibile est, concessa postea fuisse à principibus prædia, tum in ipsis Germanorum, tum etiam in occupatis bello terris, sub conditione fidei & servitiû militaris.

(c) Cap. XIV. de morib. German.

(d) Nec plus probant argumenta SPENERI, qui in
primit.

*Iusta Fran-
corum feu-
da.*

§. XIV.

Id interea certum est atque evictum, Merovingicorum Regum ætate insignem jam feudorum justorum in Germania usum fuisse. (e) Nullumque amplius est dubium, quin sub CLADOVEO M. (f) ejusque posteris beneficia fuerint frequentiora, ac magis pedetentim magisque formata. Neque ve-

ro

primit. hist. feudal. p. 24. seqq. Struvii sententiam suam fecit, atque a Schilteri aliorumque objectionibus defendit.

- (e) Quod ostendit ANTONIUS DADINUS ALTESERRA, *de origine & statu feudorum pro moribus Gallie. It. libr. de Ducibus & Comitibus provincialibus Gallie.* Novis vero observationibus rem confirmavit Illustr. Dn. THOMAS. *diff. de originibus feudalibus. Conf. ITTERUS de F. J. Cap. 1. §. 9.*
- (f) Insigne est, quo & alii usi sunt, AIMOINI testimonium, qui *hisor. libr. I. Cap. XIV.* hæc narrat: *Cum Clodoveus regnum suum usque Sequanam, atque postmodum usque Ligerim, fluvios, ampliasset, Milidunum castrum Aureliano, cum totius ducatu regionis, jure beneficii, concessit. Quamvis autem Aimoinus ad seculi X. finem vixerit; sine dubio tamen ex RORICONE (qui Monachus Gregorio Turonen-*
fi

ro est abfimile, jam ante Clodoveum M. eadem Germaniæ populis ufurpata fuiſſe. (g)

§. XV.

Ceterum beneficia Francorum Reges alia OFFICII EMINENTIORIS, alia MINISTERII INFERIORIS cauſſa dederunt. ILLUD erat munus Regni publicum, quod, præter eminentiorem dignitatem, regendi quoque atque adminiſtrandi poteſtatem complectebatur; quale erat Ducum Comitumque. MINISTERIUM erat eorum, qui parebant ac ſerviebant, à ſingulari iſta dignitate ac poteſtate excluſi.

§. XVI.

ſi coævus cenſetur, cujuſque *geſta Francorum AN-DREAS du CHESNE tom. I. hiſtor. Franc. ſcriptior. coſtan. inſeruit,*) hæc ſua depromſit, quæ & Illuſtr. Dn. THOMASII in diſſ. de orig. feud. ſub. §. 12. not. (o) eſt conjectura. Illius etenim monachi lib. II. p. 306. hæc ſunt verba: *In diebus illis dilatavit Clodoveus Francorum regnum uſque ad Sequanam, & accipiens caſtrum Melidunenſem, tradidit eum Aureliano Legatario, eumque Ducem provincia illius eſſe inſtituit.*

(g) Proſtat locus ex CASSIODORI variis in GUNDLINGIANIS P. I. O. I. p. II. quo Regius iſte Cancellarius de uſu beneficiorum militarium, Regis Gothorum Theodorici ætate, teſtimonium perhibuit.

*Alia officii.
alia mini-
ſterii cauſſa
data.*

§. XVI.

*Ducum of-
ficium.*

Duces hac ætate non solum rei militari præerant, exercitusque ducebant; sed & integras regni provincias regebant, Regisque nomine tum belli tum pacis negotia administrabant. Cujusmodi Ducem subactæ THURINGORUM provinciæ impositum novimus. (h) Eadem

buit. Paria non solum de Gothis, sed & de Herulis. Burgundionibusque loca V. C. SPENERUS in *primit. hist. feud. obs. l. p. 36. seq.* adduxit, eum quidem in finem, ut, feuda jam ante Francorum Regnum, statim a Germanicarum gentium migrationibus, stabilita fuisse, demonstret.

- (h) Cum Galliam ad Ligerim usque amnem perdomuisset CLODOVEUS M. Rheno transmissus, cum Thuringis bellum felici eventu confecit, ac Thuringiam, ante jam à Francis tentatam, in clientelam redegit, reddiditque tributariam. GREGORIUS TURONENSIS in fin. cap. XXVII. libr. II. historiæ Francorum: *decimo regni sui anno Thuringis bellum intulit, eosdemque suis ditio- nibus subjugavit. GESTA FRANCORUM EPITOMATA cap. X: Chlodoveus exinde decimo anno Regni sui, commoto exercitu magno, valde in Toringiam abiit, ipsasque Toringos plaga magna prostravit. Devictoque ipso populo, totaque eorum terra vastata, ipsos Torin-*

Eadem fuere ALEMANNORUM (i) ac BOJO-
D RUM

gus tributarios Francorum fecit. Post Clodovei fata, ortis novis dissidiis, ipsius filius, THEODORICUS, Thuringos denuo devicit, atque eorum terras in provinciam redegit. GREGORIUS TURONENSIS lib. III. cap. 7: *Post Theodoricus, non immemor perjurii Herminefredi, Regis Thoringorum, Cblotarium fratrem suum in solatium evocat, & adversum cum ire disponit. . . . Denique cum se Thoringi cadi vehementer viderent, fugato praesimbre Herminefrido, Rege ipsorum, terga vertunt, & ad Onestrudem fluvium usque perveniunt. Ibiq; tantacades ex Thoringis facta est, ut alveus fluminis congerie cadaverum repleatur, & Franci, tanquam per pontem aliquem, super ea in litus ulterius transirent. Patrata ergo victoria, regionem illam capeffunt, & in suam redigunt potestatem. Scilicet in Francorum redacta tunc (anno O. R. 524.) est potestatem Thuringia australis; Saxonibus autem, velut Francorum sociis atque adiutoribus, cessit pars septentrionalis; prout ostendit SAGITTARIUS in epistola de antiquo statu Thuringia, p. 27. seq. Et cum Francorum Regibus solenne fuerit, in regendis provinciis vicaria Ducum potestate uti; vero etiam est simillimum, & huic provinciae devictae Ducem fuisse praefectum. Conjecturam hanc confirmant, quae de RADULPHO, Thuringiae Duce, FREDEGARIUS SCHOLASTICUS in chron.*

cap.

RUM (k) fata. Nec minus Franci, in novam ducti

cap. 77. his verbis narrat: *RADULFUS DUX*, filius Chamari, quem Dagobertus Toringie Ducem inflavit, pluribus vicibus cum exercitu Winidorum dimicans, eosque victos vertit in fugam. Hujus victoriae superbia elatus, & contra Adalgiselum Ducem diversis occasionibus inimicitias tendens, paulatim contra Sigibertum jam tunc coeperat rebellare. Præterea ejusdem *chron. cap. 87.* huc spectat, ex quo nonnulla excerpta dabo: Cum anno VIII. Sigibertus (Dagoberti M. filius natu minor, ad quem etiam Thuringia Francica spectabat,) regnaret, *RADULFUS DUX TORINGIÆ*, vehementer contra Sigibertum rebellandum disposuisset, jussu Sigiberti omnes leudes Austrasiorum in exercitum gradiendum banniti sunt. - - - Sigibertus deinde Bugoniam (Sylvam) cum exercitu transiens, Toringiam properans. - - - Radulfus cum aliquibus Ducibus exercitus Sigiberti fiduciam haberet, quod super ipsum non voluissent viribus intruere, de castro per portam prorumpens, super exercitum Sigiberti cum suis intruens, tanta strages *RADULFO* cum suis de exercitu Sigiberti fitur, ut mirum fuisset. - - - Sigibertus & exercitus ejus ad proprias sedes remeant. *RADULFUS*, superbia elatus, *AD MODUM REGIS IN TORINGIA* se esse censebat, amicitias cum Winidiis firmans, ceterisque gentibus, quas vicinas habebat, cultum amicitia obligabat. *IN VERBIS TA-*

MEN

ducti provinciam, quæ FRANCONIÆ no-
 D 2 men

MEN SIGIBERTO REGIMEN NON DENEGABAT.
Nam in factis fortiter, ejusdem resistebat dominationi.

- (i) Alemannos, Francicæ potentia diu æmulos, acri ad *Tolbiacum* (seu *Alpiacum*, quippe Aleman-
 norum finibus vicinum, prout illustr. Dn. GUNDLINGIUS ostendit in *Gundlingianis P. III. O. II. §. 23.*) prælio anno 496. à Clodoveo M. devi-
 ctos esse, id quidem omnibus est notissimum, ut ad-
 eo probationibus minime hic opus videatur. Quis
 autem devictæ gentis postea status fuerit, ea an-
 ceptis profecto est quæstio. Illustris equidem
 COCCEJUS *in juris publ. prud. cap. III. sect. II. §. 21.*
arbitratur, formulam Sueviæ fuisse, ne proprio jure
magistratuque uteretur, sed fisco Regio immediate adscri-
pta esset. Verum salva nihilominus res est. ECKE-
 HARDUS enim JUNIOR *de Casibus S. Galli cap. 1.*
qui, nondum adhuc illo tempore Sueviam in Ducatum
fuisse redactam, sed fisco Regio peculiariter paruisse, te-
statur, cujusque potissimum fide adducta firmatur
sententia, de recentiori ætate est intelligendus,
quippe qua Sueviæ Ducatus vacavit, à Conrado I.
restitutus. Ipse ECKEHARDUS loc. cit. pag. 18.
apud GOLDASTUM tom. I. rer. Alemannicar. hæc
haber: Rex (Conradus) primo colloquium publicum
Moguntia, postea generale edixit concilium, ubi tribus it-
lis (Erchangelo, Bertoldo, Luitfrido, Regiæ cameræ
præfectis, publicæ pacis turbatoribus, ut ex iis,
quæ

men ab ipsis accepit, Ducibus parere. (1)
§. XVII.

quæ eodem capite antecedunt, liquet,) *lege abjuratus & præscriptis, prædiisque eorum in fiscum reductis majestatis reis capita damnata sunt.* - - - *Suevia Principum assensu statuitur Alemannis DUX primus BURKHARDUS, gentis illius nobilissimus, & virtutum dote præstantissimus; cui & prædia damnatorum confiscata in beneficium sunt tradita.* Neque terrere nos debet primi Ducis, quam hic cernimus, appellatio; quippe quam cum grano salis accipiendam esse, genuina docent veterum monumenta, quæ antiquiores nobis sistunt Duces Alemannorum. Qui Clodovei M. victoriam narrant, veteres scriptores, Ducis, provinciæ ab ipso impositi, nullam faciunt mentionem. GREGORIUS TURO-
NENSIS *libr. II. hist. Franc. cap. XXX.* ita: *Alemanni terga vertentes in fugam labi cæperunt. Cumque Regem suum cernerent intererunt, Clodovei se ditionibus subdunt, dicentes: ne amplius, quasumus, pereat populus; jam tui sumus. At ille, prohibito bello, coarctatoque populo, cum pace regressus, narravit Regina, qualiter per invocationem nominis Christi victoriam meruit obtinere.* GESTA FRANCORUM *cap. XV.* apud Andr. du CHESNE *Tom. I. p. 701.* hæc addunt: *ipsos terramque eorum sub jugo tributario constituit.* Paria leguntur in FRAGMENTIS DE REGUM FRANC. REBUS PIE GESTIS, *ibid. p. 526.* Conf. RORICONIS *gesta Francorum libr. II. ibid. p. 806. C.* Interea

terea tamen Clodovei nepotem, *THEODOBERTUM*, Austrasiæ Regem, hujusque filium, *THEODOBALDUM*, Alemannis *Duces*, *Leutharium* & *Buccelinum*, fratres, præposuisse, atque Buccelinum inprimis Francorum res in Italia adversus Belisarium & Narsetem fortiter sustinuisse, novimus. *AGATHIÆ SCHOLASTICI* *historia de rebus Justiniani Imperat. Libr. I.* apud *Andr. du CHESNE* *Tom. I. p. 242.* C. hoc nobis testimonium præbet: *LEUTHARIS* & *BUTILINUS*, *tametsi* id Regi ipsorum (*Theodobaldo*) *minime* placebat, *belli cum eis* (*Gothorum legatis*) *societatem inierunt.* Erant hi duo germani fratres, genere quidem Alemanni, maximam vero apud Francos potentiam consecuti, adeo, ut *NATIONI IPSORUM PRÆESSENT*, a Theodiberto primum accensi. *GREGORIUS TURONENSIS* *libr. III. cap. 32:* *Theodobertus in Italiam abiit, & exinde multum acquisivit.* - - - Dicitur tamen tunc temporis usque Ticinum accessisse civitatem, in qua Buccelinum rursus direxit. Qui, minore illa Italia capta atque in ditionibus Regis ante dicti redacta, majorem petiit: in qua contra Bellisarium multis vicibus pugnans, victoriam obtinuit. Cumque Imperator vidisset, quod Bellisarius crebrius vinceretur; amoto eo, Narsetem in ejus locum statuit. - - - Buccellinus vero contra Narsetem magna certamina gessit, capta omni Italia, usque in mare terminum dilatavit. *Thesaurus vero magnos ad Theodobertum de Italia direxit.* - - - Deinceps vero Buccellinus Siciliam occupavit, de qua etiam tributa exigens, Regi transmisit. Præterea *libr. IV. cap. IX:*

Sub eo (Theodobaldo) BUCELLINUS, cum totam Italiam in Francorum regnum redegisset, a Narsete interfictus est, Italia a l partem Imperatoris capta, nec fuit, qui eam ultra reciperet. THEODOBERTI II. ejusque ex fratre nepotis, SIGEBERTI II. ætate fioruit Dux Alemannorum celeberrimus, CUNZO I. De quo WALAFRIDUS STRABO, Abbas Augienfis, in vita B. Galli libr. I. cap. XV. apud GOLDASTUM, rerum Alemann. Tom. I. p. 150. hæc cum aliis memoriæ prodidit: GUNZONIS DUCIS epistola venit a l Presbyterem, præcipientis illi, ut die duodecimo ad Iburningas villam venires, & virum Dei secum adduceret. Nam filiam ejus, nomine Frideburgam, qua illi erat unica, singulari pulchritudine fulgens, spiritus invasit malignus. - - - Hanc ob causam pater ejus nuntios misit ad Regem SIGIBERTUM, Theodorici filium, QUI EAM HABUIT DESPONSATAM, ut ei nuntiarent, quicquid circa puellulam agebatur. - - - Willimarus Presbyter, volens tempore per epistolam definito ad Ducem venire, dixit beatissimo Gallo: SCIS DUCIS MANDATUM, eamus ad eum. Et ille, tuum est, inquit, hoc iter, non meum. Tu ergo proficiscere: QUID MIHI CUM PRINCIPIBUS SECULI? nam in heremum, unde exivi, revertar. Noli, ait, ita agere, sed perge mecum, NE FORTE DUX, qui in vexatione filia nimium contristatur, IRA COMMOTVS MITTAT SATELLITES, TEQUE VINCTVM ILLVC FACIAT PERDVCI. &c. Confer capp. seqq. ibid. & ex capite XIX. XXIV. nec non XXV. patebit, DVCEM GUNZONEM, filia ad sanio rem mentem redu-

reducta, non solum donis S. Gallum (qui pauperibus ea deinde distribuerit,) affecisse, sed & postulasse, *ut apicem Pontificalis gradus dignaretur assumere*; hoc vero honorem repudiante, Johannem Diaconum, ab ipso commendatum, sub auspicio Ducis Gunzonis, Episcopum Constantiensem fuisse electum atque ordinatum. Quæ aliquam Ducis hujus potestatem & in negotiis ecclesiasticis demonstrare mihi videntur. Dux etenim S. Gallo Episcopatum obtulit; deinde Episcopos, Presbyteros ac Diaconos totius Alemanniæ Constantiam, electionis gratia, convocavit; ipse quoque cum Principibus & Comitibus huic conventui interfuit, eundemque suo moderamine direxit. De LEVTHARIO, ADALRICO, aliisque, qui successerunt, Alemanniæ Ducibus consule PFEFFINGERI *Vitr. illustrat. libr. I. Tit. XVI. vol. II. p. 293. seqq. edit. recent.* Quid? quod & in vetustiori Alemannorum lege nonnulla occurrunt capita, hic notatu digna. Cap. 23. *de eo, qui mortem Ducis consiliatus fuerit.* Cap. 27. *de eo, qui sigillum aut mandatum Ducis neglexerit.* Cap. 28. *de eo, qui in curte Ducis hominem occiderit.* Cap. 29. *de eo, qui missum Ducis infra provinciam occiderit.* Cap. 31. *de eo, qui res Ducis furatus fuerit.* Cap. 32. *de sœminis, qui in ministerio Ducis sunt.* Cap. 33. *de eo, qui præsumeret, intra provinciam res Ducis hostiliter invadere.* Cap. 34. *de filio Ducis, qui contra patrem suum surrexit.* Summa hæc est capitum, quæ prolixius legi possunt in GOLDA.

DASTI *tom. II. rer. Alemannic. p. 14, 15.* Lex autem Alemannorum, teste prologo, auctorem habuit THEODORICVM I. Clodovei M. filium; deinde a successoribus CHILDEBERTO, CLOTARIO II. & DAGOBERTO emendata ac perfecta. CAROLUS du FRESNE in glossar. vñc. lex. Alemann. *tom. II. p. m. 264.* CONRINGIUS de origin. jur. German. *cap. IX. p. 40.* SCHILTERI *Instit. jur. publ. libr. I. tit. IV. §. 7.* Nihilominus tamen vero est simillimum & CLODOVEUM de victis Alemannis jam leges sanxisse; quod & defenditur in GUNDLINGIANIS *P. III. O. II §. 25.*

- (k) CLODOVEVM M. Bojos, Alemannorum socios, eodem ad Tolbiacum prælio vicisse, testis est AVENTINUS in *annal. Bojorum libr. III. cap. I.* ac Bojos tum fœdus cum Francis perpetuum pepigisse, his conditionibus: *Boji de corpore suo, ubi opus fuerit, Principem legant, at DVCEM, non Regem, appellent. Reges Francorum autores fiant. In Bellis auxilio Francis sint Boji; eosdem pro amicis & hostibus habeant. Ceterum suis institutis ac legibus vivant. Hunc sequitur cum aliis etiam Illustr. COCCEJUS in juris publ. prud. cap. III. §. 5. 6.* Qui autem veterum historiæ Franciæ scriptorum monumenta perlustraverit, ne ullum quidem illius victoriæ fœderisque vestigium offender. Quare injurius in Aventinum haud esse videtur ANDREAS BRUNNERUS, *parte I. rerum Boicarum, libr. IV. C. 6.* eundem, solita vanitate fortunam Bojorum &

& hic Alemannorum calamitatibus admisuisse, arbitrat. Cujus hæc porro est conjectura, minime profecto spernenda, Bojos, sive prudenti metu percussos, sive fortitudinis ac felicitatis Francicæ stupore atque admiratione ductos, a Theodorici Ostro-Gothorum Regis, cui paruerant, obitu, in Francorum clientelam sponte concessisse. Spontaneam eorum deditionem æque propugnauit ADLZREITERUS in *annal. Boica gentis*, parte I. libr. VI. cap. VI. Atque hanc deditionem THEODORICI I. Francorum Regis, Clodovei M. filiorum natu maximi, gloriæ vindicandam esse, vel inde vero simillime liquet, quod idem Rex LEGEM BOJOARICAM sanxit, a successoribus tamen pariter emendatam ac perfectam. Testem habemus prologum hujus legis: *Theodoricus, Rex Francorum, cum esset Catalaunus, elegit viros sapientes, qui in regno suo legibus antiquis eruditi erant. Ipso autem discente, jussit conscribere legem Bojovariarum &c.* BRUNNERUS cit. loc. II. cap. X. ADLZREITERUS cit. loc. CONRINGIUS de or. jur. Germ. cap. IX. GUNDLINGIANA P. III. O. II. p. 268. Insignem gentis & post subjectionem fuisse libertatem, vel sola DUCUM ex nobilissima AGILOLFINGORUM familia electio demonstrat. Ecce LEGIS BOJOAR. tit. II. cap. XX. testimonium: *Dux, qui præst in populo, ille semper de genere AGILOLFINGORUM fuit, & debet esse, quia sic Reges, antecessores nostri, concesserunt eis, ut qui de genere illorum FIDELIS REGI erat & prudens, ipsum constituerent Ducem,*

ad regendum populum illum. Quemadmodum autem ex his jam est manifestum, Ducem quoque Bojoariæ singularis fidei nexu Regi obnoxium fuisse, ita ejusdem *tit. II. cap. IV.* rem confirmat. *Si quis autem Dux de provincia illa, quem Rex ordinaverit, tam audax, aut contumax, aut levitate stimulatus, seu protervus & elatus, vel superbus atque rebellis fuerit, qui decretum Regis contemserit, DONATO DIGNITATIS IPSIUS DUCATU CAREAT.* Quare & nimia tumidos potentia ac rebelles Bojos CAROLUS MARTELLUS ejusque filii, PIPINUS ac CAROLOMANUS, in ordinem redegerunt. FREDEGARIUS in *chron. cap. 108. 110.* BRUNNERUS *libr. V. cap. VIII. prope à fine it. cap. IX. X. & XI.*

- (1) Scilicet mox a Glodovei obitu novam hanc Franci in Alemannorum solo condidere provinciam, latius tamen, ac hodie, patentem; ex qua singularis Franciæ Ducatus ortus. Hujus equidem primordia JOHANNEM TRITHEMIUM *libr. de origine Francorum* apud SCHARDIUM *Tom. I. rer. Germ. p. 151. seqq.* ab anno O. R. CCCX. repetiisse constat. Verum hunc narrasse hac in re fabulam, omni veterum scriptorum testimonio destitutam, peritioribus jam est observatum. Id interea tuto affirmare licet, *Seculo VII.* & Franciæ huic orientali DUCES vicario imperio præfuisse, belli pacisque moderatores. *GESTA B. KILIANI SCOTI,* episcopi Herbipolensis, *cap. IV.* in illustr. Dn. à LUDEWIG *collect. script. Herbipol. p. 967.* hæc habent:

§. XVII.

Comites (m) minoribus provinciarum *Comitum officium.*
E 2 tracti-

bent: *Veniens igitur (B. Kilianus) ad prædictum oppidum ORIENTALIS FRANCIE, Wirzburg; non cum, quem in eadem provincia DUCEM reliquerat, sed alium, nomine GOZBERTUM. Adde cap. V. ex quo patet, non solum ipsum hunc Ducem, S. Kiliani doctrina captum, in christianorum castra transiisse, sed & omnes pene provinciæ incolas, Ducem sequeutos, relicto idolorum cultu, christianæ religioni operam dedisse. Quem DUCEM GOZBERTUM anno DCCVI. diem obiisse supremum, refert TRITHEMIUS apud SCHARDIUM cit. tom. I. p. 155. n. 19. Celebris quoque est Dux HETANUS, cujus EGILWARDUS in vita S. Burchardi Herbipolensis lib. II. cap. IV. meminit; ex quo sua procul dubio hausit TRITHEMIUS, cit. p. n. 21. hæc referens: HETANUS patri (Gozberto) successit in Ducatu annis XX. qui sine filiis moritur anno DCCXL. itaque Pipinus, Major domus, postea Rex Francorum, Ducatum vacantem ad se recepit, & filio suo, CAROLO, procurandum decennio commisit. &c.*

(m) Comites a comitando primum dicti aulæ Romanæ atque Imperatorii Palatii Proceres, quod Principem sectarentur, ejusque lateri adhererent, seu domi maneret, seu in expeditionem proficisceretur. Vocemque hanc, a Romanis de-

tribus, quos pagos (n) vocare sole-
mus,

desumptam, deinde pagorum ac civitatum majorum praefectis, de quibus hic agimus, applicatam esse, non pauci arbitrantur; cum & e suo comitatu probatissimos ad istam spartam Reges Francorum elegerint atque in provincias ablegaverint. CAROLUS du FRESNE in glossario medii aevi voc. Comes. VITRIARIUS in instit. jur. publ. L. II, T. XVII. §. 1. Quam & meam facio sententiam. Alii tamen a vetustioribus Germanorum comitibus nomen ortum esse existimant; quorum TACITUS libr. de morib. Germ. cap. 12. verbis hunc in modum conceptis mentionem fecit: *eliguntur in conciliis & principes, XVI JURA PER PAGOS VICOSQUE REDDUNT; centeni singulis ex plebe comites, consilium simul & auctoritas, adsunt.* CONRINGII diff. de Duc. & Comit. Germ. §. 6. KULPISII commentat. in Monzambanum part. II. p. 5. seq.

- (n) Vetustissima est Germanicarum provinciarum in pagos distributio. JULIUS CÆSAR de bello Gallico libr. IV. cap. I. hujus rei testis est: *Suevorum gens est longe maxima & bellicosissima Germanorum omnium. Si CENTUM PAGOS habere dicuntur.* In memoriam hic quoque revocandum est TACITI, quod sub littera (m) adduxi, testimonium. Pagus autem, ut ego rem capio, saltem Regum Francorum ætate, nil aliud fuit, quam minor majoris

mus, nec non civitatibus (o) Francorum
E 3 Re-

joris provinciæ tractus, oppida, arces, vicos, vil-
lasque complexus, (Ein Gau, ein Canton.)

- (o) Majoribus etiam Francorum civitatibus anti-
quius jam Comites præfuisse, GREGORIUS
TURONENSIS *libr. I. hist. Franc. cap. XIII.* refert:
Chramnus his diebus apud Arvernum residebat. - - -
• *Firminum A COMITATU URBIS, graviter injuria-*
tum, abegit, & Salustium, Evodii filium, subrogavit.
Idem Libr. VI. cap. XXII. testatur: Rex Chilpericus,
pervasus civitatibus fratris sui, novos Comites ordinat,
& cuncta jubet sibi URBIIUM TRIBUTA DEFERRI.
Quod ita impletum fuisse cognovimus. His diebus adpre-
bensi sunt, duo homines a Nonnichio, LEMOVICINÆ
URBIS COMITE, deferentes ex nomine Charterii, Pe-
trogorica urbis Episcopi, literas, quæ multa impropria
loquebantur in Regem. &c. Plura ejusdem loca, de
urbium comitibus loquentia, prætermitto. Con-
ferri autem meretur ALTESERRA de Ducibus &
comitibus provincialibus, cap. IV. p. 10. edit. Tolosane;
qui, inde esse, existimat, ut Comites Episcopis,
Duces Archiepiscopis fuerint æquati; quia Epi-
scopi singularum sint civitatum, Archiepiscopi
universæ provinciæ. Et quamvis de Galliæ civi-
tatibus sermo sit in adductis testimoniis, vero ta-
men est simillimum, & in paucis, quæ tunc tem-
poris fuere, Germaniæ urbibus eundem primos
Fran-

Reges, cum potestate juris dicendi, (p)
præfecerunt, Ducumque moderamini, bo-
ni

Francorum Reges morem servasse. Saltem *CAROLI* M. ætate ejusmodi civitatum Germaniæ Comites jam usu viguisse, ex *capit. Caroli M. libr. II. cap. 25.* (in edit. *STEPHANI BALUZII Tom. I. p. 743.*) liquet: in *VESONTIO*, *qua est Diæcesis Bernoini Archiepiscopi, Herminus Episcopus, & MONOGOLDUS COMES.* In *MOGUNTIA*, *qua est Diæcesis Heislulfi Archiepiscopi, idem Heislulfus Episcopus, & ADALBERTUS COMES.* In *Colonia Hadaboldus Archiepiscopus, & ERMUNDUS COMES.* Add. *LEHMANNI chron. spirens. libr. II. c. 18. CAROLUS du FRESNE in gloss. voc. Comes civitatis.*

(p) Hanc potioreni fuisse Comitum spartam, extra omnem dubitationis aleam possum existimo. Quare & *judicum nomine* sæpe numero veniunt. Scilicet ordinaria Comiti erat in pace, per universum, cui præerat, pagum, juris dicendi potestas; non solum in plebejos rusticosque homines; sed & in nobiles quosque Ministeriales. Atque adeo falsissima est, quam *KNIPSCHILDIVS, LERCHIVS*, alique justo fervidiores nobilitatis Imperialis propugnatores tuentur, sententia: nobiles olim a nemine, nisi ab ipsis Rēgibus, vel eorum Missis, fuisse judicatos. Neque enim judices, præter ordinem forte ad causam nobilium aliquam cognos-

ni ordinis gratia, subesse (q) jufferunt.
Sub

gnoscentiam a Rege delegati, ordinariam Comitum in nobiles jurisdictionem sustulere, quam Regis nomine atque auctoritate illi administrabant. Confer. SCHILTERI de S. R. Imperii Comitum prerogativa ac jure, inter ipsos & ordinem equestrem Imperii immediatum secundum quosdam controverso, distribuit. Comites vero etiam ararii ac fisci regi curam gessisse, tum ex loco GREGOR. TVRON. sub lit. (o) adducto, tum ex iis, quæ ALTESERRA cit. cap. IV. pluribus exposuit, sine negotio intelligitur.

- (q) Universæ Dux præfuit provinciæ, atque adeo etiam Comitibus. Quod autem non pauci credere, (quos inter etiam est LEHMANNUS in chron. spirens. L. II. C. XVI. nec non JUVSTVS SINOLTVS SCHÜTZ in colleg. de statu rei Rom. exercit. IX. p. 626.) duodecim semper uni Duci Comites subfuisse, id profecto ad ea referendum, quæ facilius dicuntur, quam probantur. Comitum potius provincialium numerum varium atque incertum fuisse, tot veterum monumenta restantur. Vide, quæ annotavit PFEFFINGERUS ad Vit. I. I. P. libr. I. tit. XVI. §. 10. lit. (i) p. 30. Vol. II. in edit. recent. Ceterum licet Ducis auctoritatem, in communem provinciæ salutem ac securitatem, revereri oportuerit Comites antiquiores; minime tamen
exi-

Sub quorum auspiciis & bellicis expeditionibus interfuere Comites, quippe minime a rerum militarium cura omnino exclusi. (r) Præterea quoque una cum Ducibus Regni

existimandum cuiquam est, Duces habuisse Comites omnino subiectos atque obnoxios. Tantum enim abest, ut hoc vero sit concinnum; ut potius ipsi Duces vicaria duntaxat potestate, Pro-Regum instar, usi sint in provinciis; atque adeo Comites æque, ac Duces, dignitatem & potestatem, itemque beneficia sua, non Ducibus, sed ipsis potius Regibus, proxime tulerint accepta.

(r) Ingruente belli tempestate, & Comites cogebant milites, iisque sub Ducum moderamine præerant. Locus est GREGORII TYRONENSIS libr. IV. C. XXX. hic notatu dignus: Sigibertus Rex, *Arrelatensem urbem capere cupiens, Arvernus commoveri præcepit: erat enim tunc FIRMINVS COMES VRBIS ILLIVS, qui cum ipsis in capite abiit.* Præterea libr. VI. cap. XIX: *Cum hac Regi Chulperico nuntiata fuissent, mittit nuntios, COMITIBVS, DVCIBVSQVE, & reliquis agentibus, ut, collecto exercitu, in regnum germani sui inruerent.* Comites etiam officii rationes seignius exsequentes milites coercuisse, idem GREGORIUS TYRON. libr. VII. cap. XLII. testatur: *post hac edictum à JFDICIBVS datum est, ut, qui in* bac

gni egerunt PROCERES, quorum insignis jam fuit in illius ævi comitiis auctoritas. (s)

F

§.XVIII.

*hac expeditione tardi fuerant, damnarentur. BITVRI-
GVM quoque COMES misit pueros suos, ut in domo be-
ati Martini, quæ in hoc termino sita est, hujusmodi ho-
mines spoliare deberent.*

- (s) Comitiorum inter veteres Germanos usum TA-
CITUS *de morib. Germ. cap. XI.* explicat: *De minori-
bus rebus Principes consultant, de majoribus omnes; ita
tamen, ut ea quoque, quorum penes plebem arbitrium
est, apud Principes prætulerentur. - - - Illud ex
libertate vitium, quod non simul, nec jussi, conveni-
unt, sed & alter & tertius dies cunctatione coeuntium ab-
sumitur. Ut turba placuit, confidunt armati. Silentium
per sacerdotes, quibus tum & coercendi jus est, impe-
ratur. Mox REX, vel PRINCEPS, prout atas cuique,
prout nobilitas, prout decus bellorum, prout facundia est,
AVDIVNTVR, AVCTORITATE SVADENDI MAGIS,
QVAM JVBENDI POTESTATE. Si displicuit senten-
tia, fremitu aspernantur: sin placuit, frangas concu-
tiunt. Honoratissimum assensus genus est, armis lauda-
re. Quam quidem Germanorum libertatem ut
ut, post stupendas CLODOVEI M. victorias sequu-
tasque provinciarum occupationes, non levem
contraxisse cladem novimus; animam tamen non
emi-*

emississe, demonstratu est facillimum. Absolui quippe imperii jugum nec provinciarum Germaniæ Proceres, qui libertatem omni auro potiore habebant, ferre; nec prudentiores primi, nec se-gnēs ac voluptuosi, qui illos excipiebant, stirpis Merovingicæ Reges imponere poterant. Regem itaque meminisse oportebat, se libertatis vindicem, non oppressorem, esse constitutum. Majestatis jura & isto ævo in comitiis exerceri consueverant. Leges in iis conditas esse, prologus *LEGIS BAYVARIORVM* docet: *hoc decretum est apud Regem & Principes ejus, & apud cunctum populum Christianorum, qui infra Regnum Merdunorum consistunt; nec non LEGVM ALEMANNICARVM: incipit lex Alamannorum, qua temporibus Clotharii Regis, una cum Principibus suis, id sunt 33. Episcopis, & 34. Ducibus, & 72. Comitibus, vel cetero populo, constituta est; itemque LEGIS SALICÆ: Plasuit atque convenit inter Francos & eorum Proceres, ut, propter servandum inter se pacis studium, omnia incrementa veterum rixarum rescicare deberent; & quia ceteris gentibus juxta se positis fortitudinis brachio præminebant, ita etiam legum auctoritate præcellerent. &c.* Legis autem Salicæ auctorem primum fuisse *CLODOVEVM M.* argumentis vero admodum similibus defendit Illustr. Dn. *GUNDLINGIVS* in *Gundlingianis P. III. O. II. §. 16. seqq.* De lege Alamannorum & Bojorum supra dixi. Quid? quod & ultimam suam voluntatem, qua ecclesiarum potissimum

mum commoda promotum ibat, *DAGOBERTVS*
M. Proceribus Regni in comitiis exposuit, horum-
 que auctoritate istam firmandam prudenter cura-
 vit. *GESTA DAGOBERTI I. cap. XL. apud Andr.*
du CHESNE Tom. I. p. 584. seq. Majores quoque,
 ut vocant domus, de quibus mox pluribus agen-
 dum, Reges non, nisi ex Procerum Regni consen-
 su, constituisse, *FREDEGARIVS SCHOLASTICVS*
in chron. cap. 54. testis est: *CHLOTARIVS* cum Proce-
 ribus & laudibus Burgundia Treassinis conjungitur, cum
 eorum esset sollicitus, si vellent jam, *Warnachario* (Ma-
 jore domus) discesso, alium in ejus honoris gradum
 sublimare. Sed omnes unanimiter denegantes, nequa-
 quam se velle Majorem domus eligere, Regis gratiam
 obnixè petentes, cum Rege transegerè. Controver-
 siarum porro de successione Regia ortarum
 decisionem ad Regni ordines inprimis spectasse,
 ex iis liquet, quæ *Clotharius Brunehildi* respon-
 dit: *Conventus nobilium debere eam aggregare Fran-*
corum & communi tractatu de communibus consulere re-
bis: se vero judicio illorum in omnibus paritutum. Vid.
AIMOINVS de gestis Francor. libr. IV. cap. I. Quo-
 modo inter *GVNTRAMNVM & CHILDERICVM*
 Reges, Procerum consilio atque auctoritate, an-
 no O. R. 587. pax firmata, mutuique fœderis pa-
 ctio conscripta fuerit, exemplar pactiois demon-
 strat apud *BALUZIVM in collect. capit. Reg. Franc.*
tom. I. p. 11. seqq. Adde *GREGOR. TVRON. libr. IX.*
C. XX. Comitialibus quoque ordinum suffragiis

§. XVIII.

*De Comite
Palatii.*

Varios equidem Comitum ordines, quem recentior ætas fortum exclusit, hic omit-
tendos arbitror. Silentio tamen Comitem
Palatii Regni Francici omnino præterire, ne-
fas duco. Hic IN PALATIO REGIO JURI DICUN-
DO PRÆERAT, ac majoris præcipue momen-
ti causas cognoscebat decidebatque. Quem,
inter Comites primum, inde ab initio pri-
mæ Francorum Regum stirpis, jam existis-
se, multis veterum monumentis est com-
probatum. (t) Nec minus certum est at-
que

CHILDERICVM III. Merovingicæ stirpis ultimum
Francorum Regem, imperio fuisse exutum, idem-
que *PIPINO* delatum, maximo testimoniorum
cumulo evicit *PEFFINGERVS* in *Vitr. illustr. L.*
IT. II. p. 75. edit. rec. Conf. *HERTII notit. Regni Franc.*
vet. cap. V. Quæ cum ita sint, nemo profecto ab-
solutum Merovingicis Francorum Regibus impe-
rium cum ratione poterit vindicare, aut insignem
Procerum illius ævi libertatem atque auctorita-
tem negare.

- (t) Quæ, una cum Palatii Comitum nominibus, ex-
hibet *CAROLUS du FRESNE* in *glossario, sub voc.*
Comites palatini, tom. I. p. 1085. seq.

que evictum, hoc Regni officium insigne, & sub Majorum domus imperio, huic tamen subiectum, perdurasse. (u) Posteaquam
F 3 vero

- (u) GREGORIUS TURONENSIS *libr. IX. cap. 30.* de Childeberto: *jussit abire Florentianum, MAJOREM DOMUS REGIÆ, & Romulsum, PALATII sui COMITEM.* Notatu dignum hic quoque est, quod MABILLONIUS *de re diplomatica libr. VI. p. 479.* adduxit, Regis CHILDEBERTI diploma, anno 697. confectum: *Childebertus, Rex Francorum, Vir illustre. Cum nos in Dei nomine, Compendio, in Palacio nostro una cum Apostolicis viris, in Christo Patrebus nostris, . . . Episcopis; nec non & illustri viro, PIPPINO, MAJORUM DOMUS NOSTRO; . . . sed & HOCIOBERCTO, COMITE PALATII NOSTRO, vel cunctis fidelibus &c.* Paria idem in medium produxit p. 480. 482. 489. 490. Quæ cum ita sint, merito inde concludo, erroris modestè arguendos esse viros cetera insigni eruditionis fama illustres, FREHERUM, SCHILTERUM, COCCEJUM, quorum ille *in comm. ad A. B.* alter *in Inst. jur. publ. L. I. T. XV. §. 4. in fin.* hic denique *in jur. publ. prud. C. III. S. VI. n. 81.* nec non *post n. 91. in exegezi*, Majorem Domus & Comitem Palatii superiorem unum fuisse eundemque, perperam existimarunt. Quare & recte dicam his aliisque jam scripsit PFEFFINGERUS *in Vir. illustr. L. I. Tit. XI. §. I.*
nos.

vero, perfecti Imperii Regii fasces moderante

not. (a) & (b). Ubi & permulta de pluribus inferioris ordinis Comitibus Palatinis collecta offendimus, lectu dignissima. Ceterum Franciæ Regibus majorum virtutes parum curantibus, fœdisque voluptatibus turpiter immerfis, summa rerum penes Ducum aliquem fuit, *MAJORIS DOMUS* elogio ornatum. Hunc initio singuli sibi Reges constituiebant; mox populus eundem eligendi potestatem sibi sumsit; post ipsi Majores Domus de sua dignitate ac potentia statuerunt, ipsis Regibus superiores; denique eorum ultimus, PIPINUS, Caroli M. parens, ipsa Regis majestate à Regni Francici Proceribus, ex consilio summi Pontificis Romani, rite est indutus. *ERCHAMBERTI* fragmentum ex breviario Reg. Franc. & Majorum domus, p. 780. apud ANDR. du CHESNE: Chlodoveus Rex, filius Dagoberti, regnavit XVI. annis, qui omni spurcitia deditus fuit. Major domus qui supra. Chlodbarius Rex, filius Chlodovei, adhuc in puerili ætate sua juventutis mortuus est, regnavitque annis IV. Major domus Ebroinus. Theodoricus Rex filius Chlodovei, frater Chlodbarii, regnavit annis XIX. Major domus Bertbarius. Quo occiso, Pippinus junior, filius Ansegisli, veniens de Austrasiis, successit in Principatum Majorum domus. Ex hinc REGES NOMEN, NON HONOREM, HABERE COEPERUNT. Quibus tamen ubi

con-

te Pipino, Majoris domus dignitas omnino

EX-

constitutum fuerat, victus fuerat exuberans, custodia-
que jugis erga illos habebatur, ne aliquid jure potestatis
agere possint. Illis namque temporibus ac deinceps Go-
tefredus Dux Alamannorum, ceterique circumquaque
Duces noluerunt obtemperare Ducibus Francorum, eo
quod non potuerunt Regibus Meroveis servire, sicut antea
soliti fuerant. Ideo se unusquisque secum tenuit, donec
tandem aliquando post mortem Gotefridi ducis, Carolus
ceterique Principes Francorum paulatim ad se revocare
illos arte, qua poterant, studuerunt. FREDEGARIUS
SCHOLAST. in chron. cap. 92. de populi electione te-
statur: FRANCI, inquiens, Chlotbarium MAJO-
REM in Regno CONSTITUUNT. Conf. quæ ex eo-
dem adduximus sub not. (s) Idem cap. 110. in fin.
de Pipini ad honores Regis elevatione hæc ha-
bet: Quo tempore una cum consilio & consensu omnium
Francorum missa relatione à Sede Apostolica auctoritate
percepta, præcelsus Pippinus ELECTIONE TOTIUS
FRANCIÆ in sedem Regni, cum consecratione Episco-
rum, & subjectione Principum, una cum Regina Bertra-
dane, ut antiquitus ordo deposcit, sublimatur in Regno.
Notatu quoque dignum est ANNALIUM FRANCO-
RUM FULDENSIIUM ad annos 751. & 752. testimoni-
um: Pipinus, missa Romam legatione, Zachariam Pa-
pam interrogat de Regibus Francorum, ex antiqua Mero-
vingorum stirpe descendentium, qui Reges quidam dice-
ban.

expiravit; Comitum Palatii auctoritas contra non parum procul dubio cepit incrementi.

§. XIX.

*De officiis
Regni ec-
clesiasticis.*

Quibus de officiis Regni Germanici secularibus, pro instituti ratione, expositis,

bantur, sed POTESTAS REGNI TOTA APUD MAJOREM DOMUS HABEBATUR; excepto, quod caria & privilegia Regis nomine scribebantur, & in Martis campum, qui Rex dicebatur, plaustro bubus trahentibus vectus, atque in loco eminenti sedens, semel in anno à populi visus, publica dono solenniter sibi oblata accipiebat, stante coram Majore domus, & quæ deinceps eo anno agenda essent, populis adnuntiante: sicque Rege domum redeunte, cetera regni negotia Major domus administrabat. Orat ergo sibi decerni, quis eorum jure Rex debeat dici & esse; is, qui securus domi sedeat, an ille, qui curam totius Regni, & omnium negotiorum molestias sustinerat. Zacharias Papa ex auctoritate sancti Petri Apostoli, mandat populo Francorum, ut Pipinus, qui potestate regia utebatur, regni totius & nominis quoque dignitate frueretur. Ita Hyldericus Rex, qui ultimus Meroingorum Francis imperavit, depositus & in monasterium missus est. Pipinus vero in civitate Sueffionum à sancto Bonifacio Archiepiscopo in regem unctus, regni honore sublimatus est.

tis; (x) paucis quoque de officiis Regni ecclesiasticis agendum. Quamvis enim prima christianæ ecclesiæ initia singularem Episcoporum dignitatem politicamque regendi potestatem omnino ignoraverint, atque Episcoporum officium duntaxat fuerit privatum; rem tamen pedetentim mutatam esse, ac præcipue Imperatoris Constantini M. auxilio, quæ ante jam cœperat, Episcoporum auctoritati ac potestati insignia magis magisque incrementa accessisse, rerum peritis non est obscurum. (y) Quemadmodum itaque Galli non solum, sed & imprimis Germani, quum ethnicæ religionis principiis adhuc imbuti essent, summo

G

jam

(x) Alia quippe officia, ad institutum meum minus facientia, omitto. De quibus legi potest HERTIUS in *notit. Regni Franc. vet. cap. III. §. II. seq.* Quæ autem ad Archiofficioꝝ Imperii nostri secularium illustrationem ex hoc ævo depromi possunt, suo in posterum loco producam.

(y) Dixi & ego hac de re copiosius in *jurispr. eccles. L. I. C. VII. membr. III.*

jam sacerdotes cultu sunt prosequuti: (z) ita profecto mirum non est, Francorum Reges, sacris Christianorum deinde addictos, summorum sacerdotum, (qui, pro statu ecclesiæ catholice, qualis tum erat, humilimos primæ ecclesiæ christianæ episcopos siue volebant, siue non poterant, imitari,) honoribus ac divitiis potius augendis, quam minuendis, admodum studuisse (a) Principali-

(z) Videlicet TACITI ad §. 18. not. (s) adpositum. Idem cap. VII: *Nec REGIBUS infinita aut libera potestas; & DUCES exemplo potius, quam imperio, si prompti, si conspicui, si ante aciem agant, admiratione præfunt. Ceterum neque animadvertere, neque vincere, neque verberare quidem, nisi SACERDOTIBUS, permissum: non quasi in pœnam, nec Ducis jussu, SED VELUT DEO IMPERANTE.* De Gallis videatur JULIUS CÆSAR de bello Gall. libr. VI. cap. 13.

(a) Audiamus Clodovei M. ex filio, Chlotario I. nepotem, HILPERICUM Regem, invidiosas apud GREGOR. TURONENS. libr. VI. hist. Franc. cap. ult. querelas ducentem: *Ecce pauper remansit fiscus noster: ecce divitiæ nostra ad ecclesiam sunt translata. Nulli penitus, nisi soli Episcopi, regnant; perit honor noster, & translatus est ad Episcopos civitatum.*
AIMOI-

palibus itaque jam hoc ævo Episcopi Germaniæ honoribus fulgebant, opibus etiam splendori huic paribus instructi. Officio pariter Regni publico erant ornati, ecclesiasque, sub Regum tamen auspicio supremo, regebant, ac de rebus sacris statuebant. (b)

G 2

Pon-

AIMOINUS quoque *hist. Franc. libr. III. cap. 57.* Regem sæpe dixisse, refert: *ecce divitia nostra ad ecclesias transferunt; soli nunc Episcopi regnant, solis eis deferitur honor.* Verum hic atris utrique historico depingitur coloribus, Herodesque audit ac Nero suæ ætatis. Melioribus alii Francorum Reges e-logiis, ob bene merita in ecclesias atque Episcopos, maectantur.

- (b) Nec aliter esse res poterat, quum a Regibus, ex ordine tamen præcedente electione, Episcopi constituerentur. Testis est GREGORIUS TURO-NENSIS, ipse Episcopus, innumeris fere *histor. Franc.* capitibus, eam fuisse Regum curam, ut Episcopatibus dignos præficerent sacerdotes, atque Episcoporum regiones ordinarent. Confer. LEHMANNI *chron. Spirense L. II. C. XV. it. L. III. C. XIII. XXI.* CONRINGIUS *de constitut. Episcoporum German. §. 22. seqq.* MEIBOMIUS *de jure invest. Episcop.* PETRUS de MARCA *de conc. sacerdot. & imp. L. VIII. c. IX. XI.* HERTIUS *in not. Regni Franc.*

vet.

Pontifici etenim Romano in Germaniæ ecclesias summa tunc temporis nondum in facris potestas erat; quippe cui demum BONIFACIUS, Germanorum, ut adulatoribus audit, Apostolus, Germaniæ Episcopos addictos reddere studuit. (c) Præterea &

vet. cap. V. §. 15. 16. PFEFFINGERUS in Vitr. illustr. L. I. T. XV. ad §. 20, ubi larga testimoniorum exemplorumque abundantia. Apud BALUZIIUM in capitular. Reg. Franc. tom. I. nonnullæ constitutiones Regum primorum occurrunt, huc in primis pertinentes: Veluti Præceptio Regis GUNTAMNI ad Episcopos & iudices Regni de observando die dominico & aliis, p. 9. Nec non SIGEBERTI Regis epistola ad Episc. de concil. celebr. &c. p. 143.

- (c) Ecce ZACHARIÆ, Pontificis Romani, epistolam, qua novam Germaniæ Episcopis conversionem, ope Bonifacii perfectam, anno 748. gratulatus est: *Gaudeo in vobis, Charissimi, quoniam fides vestra & veritas erga nos gratiosa est, & manifesta non solum coram Deo, sed etiam coram hominibus, dum ad FAUTOREM ET MAGISTRUM VESTRUM, A DEO CONSTITUTUM, B. PETRUM, APOSTOLORUM PRINCIPEM, BENIGNISSIMA VOLUNTATE, conversi estis, & in hoc laudabilis est fides vestra, quoniam id ipsum sapitis, quod sapere oportet.*

& Episcopi, cum Proceribus reliquis, Regni
G 3 fena-

oportet. Prostat hæc etiam in SCHILTERI *libr.*
II. de libertate ecclesiarum Germania cap. VI. §. I. Un-
de quam luculentissime patet, ante ista tempora
Romanum Pontificem in Germania non majoris
pretii fuisse, quam alium Episcopum peregrinum,
singulari sedis suæ fama celebrem; quum nova
laudetur ad B. Petri, (cujus nomine turpissime
abuitur Zacharias, Petri Principatum, qui divi-
nis virtutibus absolvebatur, misere adfectans,) si-
ve potius ad Pontificis Romani, jugum conversio,
novæ sapientiæ, (aut stultæ magis simplicitatis,)
documentum. Cujus autem furfuris homo fue-
rit Zacharias, sancta Petri Apostoli larva tectus,
vel inde intelligitur, quod Childericum III. Fran-
ciæ Regem, majestate spoliandum, eandemque,
sui commodi gratia, ut adversus Longobardos
Protectorem nancisceretur, Pipino deferendam
astute curavit, Bonifacii Moguntini auxilio & hac
in re usus callidissime. Hic enim sedis Romanæ
mancipium erat addictissimum, ex vana jurisju-
randi religione, quo se GREGORIO II. Papæ
jam reddiderat obnoxium. Formulam jurisju-
randi BARONIUS in *annalibus ad annum 723. n. IV.*
hanc refert: *In nomine Domini Dei Salvatoris nostri*
JESU Christi, imperante domino Leone magno Im-
peratore, anno septimo post consulatum ejus, sed ES
CON-

senatum constituebant, atque in solennibus comitiis, non minus, quam Duces & Comites

Constantini M. Imperatoris ejus filii, anno quarto inchoato scilicet, indictione sexta, promitto ego Bonifacius, Dei gratia Episcopus, tibi, beate Petre, Apostolorum princeps, vicarioque tuo, beato Gregorio papa, & successoribus ejus, per Patrem & Filium & Spiritum sanctum, Trinitatem inseparabilem, & hoc sacratissimum corpus tuum, me omnem fidem & puritatem sanctæ fidei catholica exhibere, & in unitate ejusdem fidei, Deo operante, persistere, in qua omnis Christianorum salus esse sine dubio comprobatur: nullo modo me contra unitatem communis & universalis ecclesiæ, suadente quopiam, consentire; sed (ut dixi) fidem & puritatem meam atque concursum tibi, & utilitatibus ecclesiæ tuæ, cui a Domino Deo potestas ligandi solvendiue data est, & prædicto vicario tuo, atque successoribus ejus, per omnia exhibere. Sed & si cognovero, Antisites contra instituta antiqua sanctorum patrum conversari, cum eis nullam habere communionem, aut conjunctionem: sed magis, si valuerò prohibere, prohibebo; sin minus, fideliter statim Domino meo Apostolico renunciabo. Quod si (quod absit) contra hujus promissionis meæ seriem aliquid facere quolibet modo, seu ingenio, vel occasione tentaverò, reus inveniar in æterno judicio, ultionem Anania & Saphyra incurram, qui vobis etiam de rebus propriis fraudem facere præsumserunt. Hunc etiam indi-

mites, reipublicæ salutem curabant, (d) Denique soli pene Episcopi ea litterarum notitia imbuti videbantur, ut præ ceteris omnibus hoc ævo digni existimarentur, quibus illustre CANCELLARIORUM officium delegaretur. (e)

-§. XX.

indiculum sacramenti ego Bonifacius exiguus Episcopus manu propria scripsi, atque ponens supra sacralissimum corpus sancti Petri, ita, ut præscriptum est, Deo teste & iudice, feci sacramentum, quod & servare promitto. Conversionis, cui studuit Bonifacius, præmium tulit Archiepiscopatum Moguntinum, atque insignia ipsius in sedem Romanam merita effecere, ut primæ in Francia Orientali Metropolis ecclesiasticæ honores sedi Moguntinæ fuerint tributæ. Quod docent GUNDLINGIANA P. XVII. O. II. §. 23. CENTURIATORES MAGDEBURGENSES *centur. VIII. C. X. p. m. 790. seqq.* ejus vitam ac gesta, virtutesque non minus, quam vitia, ingenue exponunt. Adde SAGITTARII *antiquitates Christianismi Thuringici, libr. II. & III.* Nimiusest in viri laudibus CAVEUS *in scriptorum eccles. historia litteraria, ad annum 723. p. m. 409. seq.*

(d) Videatur not. (s) sub §. 17.

(e) De primorum Franciæ Regum Cancellariis egit MABILLONIUS *de re diplom. libr. II. Cap. XII. §*

1. 2. 3. Ubi & erudite docet, summos Regum Merovingicæ stirpis Cancellarios vocatos etiam fuisse *Referendarios*, nec non uno plures fuisse unius Regis, eosque codicillos Regios, majoris fidei conciliandæ gratia, recognovisse, ac tum Regi subscribendos obtulisse. **BERNARDUS à MAL-LINCKROT** de *Archi-Cancellariis & Cancellariis* p. 6. hæc habet: *Archi-Cancellarii nomen & officium itidem à Francis ad nos derivatum est: omnium enim primus, qui hoc nomen titulumque usurparit, S. Cunibertus fuit, Colonienfis Episcopus, quatenus bucusque reperire quivi, post quem, S. Bonifacium reperio, qui apud Miracum in notitia Eccl. Belgii C. 20. Regis Pipini literas, quibus Epternacense S. Willibrordi cænobium ducat, ita subscribit: BONIFACIUS ARCHI-CANCELLARIUS RECOGNOVIT. Data enim illa litera sunt anno Christi 752. tertio Regis Pipini: in cujus ad Franciæ regnum sublimatione cum notabilis valde hujus sancti viri opera fuerit, ejusque manibus ille in Regem inunctus & consecratus sit; suspicari possumus, inter cetera antiodora & gratitudinis documenta, nova ista dignitate, novæque dignitatis minus trito & augustiori titulo donatum fuisse. Dubitandum enim non est, non alium esse hunc Bonifacium, quam celeberrimum illum Moguntinum Præsulem: cujus etiam opinionis est Franciscus Lanovius, ord. Minimorum Religiosus, in suo de Franciæ Cancellariis Schediasmate. Nec facile quis persuadebit, in alium aliquem ejusdem nominis, illorum temporum synchronum, ista convenire. Verum paullo ante adductus*

§. XX.

Inferiore Regni ministerio (f) qui, tum in castris, tum in aula, functi sunt, MINISTERIALES audiunt. Minime vero plebejæ ac servilis conditionis homines hoc vocabulo hic signamus; sed potius ingenuos ac nobiles, ordinis licet inferioris. (g)

De ministerialibus.

H

§. XXI.

ductus MABILLONIUS, qui *cit. loc.* primorum Cancellariorum nomina exposuit, nullam tamen S. Bonifacii Archi-Cancellarii mentionem facit; sed potius, HITHERICUM Pipini ARCHI-CELLARIUM fuisse, contendit. Cujus, etiam subscriptionem, sub Pipini Regis diplomate quodam, *libr. VI. num. 47. p. 496. edit. secunde*, offendimus, hoc modo conceptam: HITERIUS *recognovit & subscr.*

(f) Nexum pete ex §. XV.

(g) Prostat in SCHILTERI *comment. ad J. F. Alemanni. cap. 89. p. 360. seq.* narratio, ex *chron. MS.* de donatione DAGOBERTI Regis & conjugis, qua Argentinensem ecclesiam affecerunt, hic notatu digna. In illa enim hæc occurrunt: *His itaque cursibus subjecta familia trifarie secernitur: prima MINISTERIALIS, qua etiam MILITARIS reda dicitur, adeo NOBILIS & bellicosa, ut nimirum libera condi-*
tioni

§. XXI.

*A Regibus
Feuda da-
ta, & pro-
xime acce-
pta.*

Beneficia, tum officialibus, tum ministerialibus, Reges dedere; feudorumque oblatores nulla hoc ævo vestigia. (h) Præterea observandum, vassallos beneficia sua omnes proxime à Regibus accepisse, atque adeo cuncta hujus ætatis BENEFICIA fuisse IMMEDIATA, ut vocare solemus, ac RETROFEUDA à primo Francorum Regno procul dubio penitus exfulasse. (i)

§. XXII.

tionem comparetur. - - - Sed tamen omnes sub dominio Episcopi & ab ipso Rectoris constituti confistunt. Conf. CAROLUS du FRESNE in glossar. voc. Ministeriales, ubi discrimen, quod inter Ministeriales nobiles ac servos proprie dictos intercedit, quam rectissime etiam illustratur. Qui aulæ ministeria obibant, MINISTERIALES PALATINI dicti. Vid. SCHILTERI *cis. comm. ad cap. 113. p. 399.* Horum autem summos Præfectos ARCHI-OFFICIALIUM elogio maectamus; de quibus differat. II. de Statu feudorum Imperii sub Carolo M. uberior erit agendi occasio.

(h) Illustr. Dn. THOMASII, nec non HERTII *disserertationes de feudis oblatis hic commendandæ.*

(i) Hoc jam pluribus Illustr. Dn. THOMASIIUS in *diff. de*

§. XXII.

Utrum feuda & clericis ætate hac ante-
Carolina data fuerint, ea anceps profecto est

H 2

quæ-

*Utrum et-
iam clericis
data?*

de orig. feud. ad §. 15. not. (c) ostendit ac SPELMAN-
NO, nec non HACHENBERGIO, antiquissimis jam
temporibus integras Magnatibus, intercedente nexu
beneficiario, regiones, ut minores rursus militibus por-
tiones, SUBFEUDI titulo largirentur, à Regibus tra-
ditas esse, defendentibus, eruditissime respondit,
ut mihi hic esse liceat breviori. Conf. SPENE-
RI *primit. hist. feud. obs. III. §. 14. not. (n)*. Qui tamen,
post adductas utriusque partis sententias, anceps
subsistit. Supereft vero dubium, quod ex LE-
GE ALEMANNORUM *cap. XXXVI. n. 5.* move-
ri potest; quid? quod motum jam est ab ALTE-
SERRA *libr. de orig. & stat. feud. cap. VI.* Verbale-
gis in BALUZII *collect. capitular. Reg. Franc. tom. I.*
p. 67. (in GOLDASTI autem *tom. II. rerum Alemann.*
p. 15. in *cap. XXXV.* leguntur,) hæc sunt: *Qua-*
libetque persona sit, aut VASSVS DUCIS, aut CO-
MITIS, aut qualiscunque persona, nemo negligat ad
ipsum placitum venire. Verum enim vero, *Vas-*
sum Ducis aut Comitum hic ipsum Regis Vassallum,
Ducum Comitumve potestati vicariæ obnoxium,
dici existimo, salvo secus forte sentientium ju-
dicio.

quæstio. Interea negari plerumque ea de caussa solet, quod hujus ævi clerici nec militaverint, nec juribus regalibus usi sint. Verum enim vero, nec Episcopos tunc a bellicis expeditionibus prorsus alienos fuisse, (k) nec jurium regalium usu plane caruisse, (l) ex fi-
de

(k) GREGORIUS TURONENSIS, posteaquam *libr. IV. hist. Franc. cap. 36.* belli cum Longobardis, qui in Gallias irruerant, a GUNTCHRAMNO Rege feliciter gesti, historiam narravit, *cap. 37.* hæc addit: *Fuerunt in hoc prælio Salonus & Sagittarius, fratres atque EPISCOPI, qui non cruce cælesti muniti, sed GALEA AUT LORICA SECULARI ARMATI, MULTOS MANIBUS PROPRIIS, quod pejus est, INTERFECISSE, referuntur.* Conf. ejusdem *lib. V. cap. XXI.* De Hildegario, Episcopo Coloniensi, ANNALES FRANC. FULDENSES *ad annum 753.* hæc referunt: *Pipinus, iterum Saxonum perfidia provocatus, regiones eorum devastat: IN QUA EXPEDITIONE HILDEGARIUS, COLONIENSIS EPISCOPUS, A SAXONIBUS INTERIMITUR.*

(l) PFEFFINGERUS, posteaquam in *Vitr. illustr. libr. I. tit. XV. ad §. 5. not. (a) n. (ll.)* non pauca, quæ huc faciunt, testimonia adduxit, tandem *p. 123. edit. rec. col. b.* Hinc, inquit, non sine fundamento de Merovæis Regibus scribit STEPHANUS, LEODIENSIS ABBAS, in *vita S. Modibaldi, Trevirorum Antistitis, cap. XIV. apud SURIUM; p. m. 168. & 169.* „quantum religionis, potentie & honoris contulerint ecclesiis, testantur libri,

de dignis constat monumentis. Scrupulum præterea injiciunt, quæ de Herbipolensis Episcopi Ducatu, a Pipino indulgentissime constituto, memoriæ prodita novimus. (m)

H 3

At-

„bri, Sanctorum decreta Patrum continentes, quos
 „ipsi, in synodis, sua corroboraverunt autoritate:
 „testantur & ecclesiæ, quas cum diversi generis or-
 „namentis, tum etiam *prædiis & REGALIBUS SUIS,*
 „*castris scilicet & COMITATIBUS,* teloniis, monetis
 „*& hannis, cum jure civitatum,* concessis, magnifice
 „extulerunt, ne sancta DEI ecclesia hujus seculi po-
 „tentibus subjaceret, aut tyrannide eorum pave-
 „sceret: imo superborum colla, Dei virtute superior,
 „calcaret.

- (m) De Episcopi Herbipolensis Ducatu JO. TRITHEMIUS *libr. de origine Francorum* & quidem in SCHARDII *Scriptor. rer. Germ. p. 155. n. 21. & 22.* summa hæc fiducia narrat: *Anno Domini DCCLII. cum jam Rex esset PIPINUS, Ducatum sancto BURCKHARDO, EPISCOPO WURTZBURGENSIUM I. & ejus successoribus, de consensu Caroli filii sui, & omnium Procerum totius Regni Francorum, donavit in proprium sempiternum. BURCKHARDUS igitur DUX & Episcopus Francorum Orientalium institutus à Pipino, præfuit annis XL. Moribus integer, conversatione sanctissimus, ex monacho sancti Benedicti Episcopus ordinatus à Bonifacio, Moguntino Archi-Episcopo. BURCKHARDUS RESIGNAVIT EPISCOPATUM, CUM DUCATU FRANCORUM, ecclesiæ & successori suo, anno Principatus sui XL. Domini autem DCC XCI. & eodem anno idem san-*
ctus

Atque hæc efficiunt, ut anceps hac in re subsistam, quæstionemque nondum securius decidam,

Bus Burckhardus moritur. Quod equidem licet dubiæ admodum fidei sit testimonium; V. C. PFEFFINGERUS tamen in *Vitr. illustr. L. I. T. XVI. p. 365. col. a, vol. II. edit. recent.* non plane rejicit, sed eidem hæc addit: *Probe autem notandum, per DUCATUM FRANCONICUM, Herbpolensi Ecclesie dono datum à Pipino, nihil aliud intelligendum esse, quam DUCATUM, PER EPISCOPATUM HERBIPOLENSEM EXTENSUM, non totius Franconie.* Vid. JACOBUS SPIGELIUS, *not. in Güntheri Ligurinum, Lib. I. p. m. 278*; KNICHEN, *de sublimi & Regio Territorii jure, cap. IV. §. 255. &c.* SPEIDELIUS, in *speculo, voc. Würtzburg, pag. m. 989*; LIMNÆUS, *tom. I. addit. ad Jus Publicum, in lib. 3. cap. 3. §. 10. pag. 325.* TOLNERUS, *Histor. Palat. Cap. VII. pag. 174. &c. Quæ de re præced. tit. XV. §. 13. lit. d. pag. 179 seqq. fufius egi.* Recentiore vero hunc Herbpolensem esse Ducatum, qui Episcopo, in bonis & terris sui Episcopatus jura secularia, Duci provincie alias propria, exercendi potestatem tribuerit, non pauci existimaverunt. Videatur inprimis illustr. Dn. LUDEWIG *Præfat. ad collect. Histor. Herbpol. Episcop. §. 13.* Ad datur, quæ laudatam prælationem proxime excipit, *ad historiam Francie orientalis preparatio, cap. XXV. prope à fine, p. 352. col. a,* ubi hæc leguntur: *Dieser (Burchardus, Bischoff zu Würzburg) soll auch das Herzogthum Franken von dem Könige in Frankreich Pipino A. C. 752, wegen wohlabgelegter Gesandtschaft zu Rom, empfangen haben; in welchen sich besagte Autores sehr*

cidam, meliora potius lumina expectaturus.

§. XXIII.

Quantum ad res, hoc ævo beneficiorum nomine datas, attinet; PRÆDIIORUM, VILLARUM, CASTRORUM, JURIIUMQUE, fidelibus commendatorum, non una in monumentis æqualibus mentio. Habuere etenim Reges, in provinciis, quæ fisci erant, quæque sua poterant vocare, (n) tum ut regia se ma-

*Quæ res
feudi no-
mine datas?*

gesta-

sehr vergeben; angesehen es auch von einigen päpstlichen Autoren selbst in Zweifel gezogen wird; wie dann Bruschius de monasteriis Germaniæ, p. 162, versichert, der Bischoff von Würzburg, Ehrlangus, ein Graf von Calow, so A. 1122. gestorben, habe zuerst seine weltliche Jurisdiction anzuzeigen, ein Schwert in dem Wapen geführt, und sich eines vortragen lassen. Der 106te Bischoff aber, Gottfried von Limburg, so A. 1455. gestorben, habe sich zum ersten einen Herzog in Francken geschrieben. Laurentius Kriese, ein alter Fränkischer Scribent, bey dem Seb. Münstero, sagt zwar, Carolus M. habe dem Bisthum Würzburg das Herzogthum Francken gegeben, aber nicht ganz Fränkensland. 1c.

- (n) SCHILTERUS in *Instit. jur. publ. L. II. tit. I. §. XI. p. 271.* hæc habet: *Jure Francorum & Germanorum FISCUS omnes Principis facultates continet, nulla habita differentia rerum privatarum & publicarum, cum sit utraque in Principis arbitrio.* H. SPEELMANN. *Gloss. voc.*

jestate dignos exhiberent, tum ut fidelibus, in reipublicæ salutem, inde paria lautioribus stipendiis commoda conciliarent.

§. XXIV.

An ipsi etiam Ducatus & Comitatus?

Vero quoque est simillimum, & Ducatus Comitatusque, nempe DIGNITATEM, quam vocant, REGALEM, cum POTESTATE REGENDI PROVINCIAS PAGOSQUE, AC JUS IN ILLIS DICENDI, præter fundorum usum fructum, lege beneficiaria hujus ætatis Duces Comitesque possedisse; (o) minime vero ipsas Regni

vac. Fiscus, vocatur etiam CAMERA, & Advocati Camera, qui Fiscum administrant. GOLDAST. ad Ekhard. jun. c. 1. Appellatur quoque DEMANIA, sive DOMANIA, itemque DOMINICUM, ut Romanis res dominice, Francico vocabulo DEMAINS, de manu h. e. potestate & arbitrio ac dispositione Principis, exclusis ordinibus. Conf. not. (a) sub §. 19.

- (o) Vide, quæso, quæ supra ad §. 14. not. (f) adduxi, AIMOINI & RORICONIS testimonia, unde patebit, CLODOVEUM M. Aureliano TOTIUS REGIONIS DUCATUM, jure beneficii concessisse. Consentit prope mecum V. C. SPENERUS, in primitiis hist. feud. Obs. II. p. 90. not. (b) his verbis usus: Duci & comitibus non terra utenda fruenda, sed regenda, gubernanda, atque judicanda tradita; cessitque feudis nomine sola dignitas, & in salarium pars prædiorum assignata. Sed nullas sententiæ suæ reddidit rationes. Conferatur

gni provincias ac pagos, quippe quæ potius Regibus Regnoque conservata.

§. XXV.

Præterea, quum supremo primi Francorum Reges ecclesiarum in suis ditionibus constitutarum moderamine gauderent, opesque illarum & ipsi auxissent; religioni sibi haud duxerunt, de abundantioribus ecclesiarum fundis ac redditibus, fisco Regio bellicis impensis exhausto, portiones decerpere, & militaris stipendii gratia Comitibus & militibus in beneficium largiri. (p) Quid? quod nec decimis, licet singulari, quam vulgo vocant laudantque, spiritualitatis virtute præcellentibus, pepercere (q).

An & res ecclesiasticæ?

I

§. XXV.

ratur SCHILTERUS in *Comment. ad J. F. A. cap. XLII. p. 255. 256. 258.*

(p) A CAROLO MARTELLO hujus instituti origines repeti, ostendit ALTESERRA de *Ducibus & Comit. libr. I. cap. XIII. Illustr. Dn. BOEHMERUS in jur. eccles. Prot. libr. III. tit. XX. de feudis, §. 6.*

(q) Jam jam excitatus ALTESERRA *libr. de orig. & stat. feud. cap. V. & decimas a CAROLO MARTELLO militibus in beneficium delatas esse, quod alii pariter adfirmant, summa fiducia negat, nullam hujus rei fidem esse arbitratus. Præterea, cladem ecclesiarum prædariam admodum doluisse PIPINUM, idem refert;*

*De investi-
tura & ho-
minio.*

§. XXVI.
Quantum ad modum beneficia acqui-
rendi attinet, vix cuiquam, opinor, dubium
esse potest, quin investitura, seu SOLENNI
TRADITIONE, opus fuerit vasallis, ad jus in-
tuitu feudi sibi firmandum; nec non singu-
lari IVRE IVRANDO, QVO FIDEM BENEFICIARI-
AM DOMINO ADSTRINXERINT. Verum de inve-
stituræ ritu, qui hoc ævo usurpatus, deque
hominii, quod dicitur, formula vix certi
quid licet definire. (r)

§. XXVII.

ferre; sed, quum morbo penitus moderi & res eccle-
siarum, ob temporum iniquitatem & reipublicæ an-
gustias, e laicorum manibus avellere nequiverit; id
saltem effecisse, ut prædia ecclesiarum PRECARIÆ
nomine laici tenere, atque illis nonas & decimas per-
solvere cœperint. Sententiæ autem ipsius de deci-
mis Illustr. Dn. BOEHMERUS cit. *J. E. lib. III. tit.*
XXX. de decimis, §. 19. non sine ratione contrā dixit;
quod vero non est simile; Regem, qui alias ecclesia-
rum facultates militibus donavit, decimis pepēcisse.
(r) Conf. Ill. Dn. THOMASII laudatam *diff. de orig. feud.*
ad §. 18. not. (c) & (d): Forte solennibus & tunc ve-
stimentis clientelaribus fuere induti; de quibus dis-
seruit Illustr. Dn. à LUDEWIG in *formula Branda-*
burgici Ducatus, p. 258. seq. in *opusc. miscell. tom. I. lib. I.*
nec non in *diff. de prorogatione investit. cap. 11. ad §. 5.*
not. (f); ubi &, additis rationibus, defenditur, *inve-*
stire

§. XXVII.

Minime vero ex solenni ista beneficio-
rum traditione, jus perpetuum, quod in
successores transmitti continuo potuerit, il-
lorum possessoribus est enatum. Tantum
enim abest, ut ita se res habuerit, ut potius

*De jure
Vasallo-
rum in
feudis.*

I 2 id est inq. certo

sive idem esse, ac vestitu induere clientelari. Ceterum
notatu hic etiam dignus est ex ANNALIBUS FRAN-
CORUM NAZARIANIS ad ann. 787. locus, qui in
Illustr. Dñ. GUNDLINGII diatriba de feudis vexillis,
in fin. §. 15. p. 16. prostat: *Tassilo Ducatum, quem à Pip-
pino Patre quondam acceperat, Victori filio Carolo reddi-
didit. CUM BACULO, REGIMINIS EI PRIUS AD-
TRIBUTI SYMBOLO, in cuius capite similitudo homi-
nis erat, & effectus est Vassus ejus.* Ex quo non sine
veri similitudinis specie concludi potest, & Pipini
ætate, forte etiam ante, investitura symbolum fuisse
bassam, vultu humano ornatam. Præterea nec hoc o-
mittendum, jurijurando & nexarum composarum-
que manuum porrectionem intercessisse; quod no-
tavit ALTESERRA de feud. orig. cap. 8. ab init. ubi
& hunc AYMOUNI locum adposuit: *Illuc, (id est
Compendium) & Tassilo Dux Bajoariorum cum primo-
ribus gentis sue venit, & MORE FRANCICO in manus
Regis in vassaticum manibus suis semet ipsum commen-
davit, &c.* Alia solennia BRUNNERUS in anal.
Boici ad ann. 757. part. 1. p. 694. & seq. edit. que Mona-
chii in forma octava prodit anno 1626. narrat: *Pipino
Francorum comitia Compendii celebrante, Thassilo, cum
nobilitari Boice flore eodem profectus, sacramentum Re-*

certo constat, ne quidem possessori jus fir-
 mum ac stabile, per dies vitæ, imprimis in
 Ducatibus & comitatibus, fuisse. Hinc in
 istius ævi scriptore (s) frequentia nomina:
EX DUCE, EX COMITE. Utrum au-
 tem jus beneficii ad certi temporis, (t) at-
 que in primis quinquennii, intervallum ad-
 strictum fuerit; id certe ego haud affirma-
 verim. Vero potius maxime concinnum
 duco, jus in beneficiis fuisse **PENE PRE-**
CARIUM, pro ratione officiorum ac mi-
 nisteriorum, ex regula prudentiæ, indefini-
 te indultum; ne mutationi, quam forte Re-
 gni

*gi dixit, conceptisque verbis & solenni formula fidem ei
 suam, filiisque obstrinxit. Juramentum interpositum est,
 plenum religione; tanta aere, & ipsis SS. Dionysii, Rusti-
 ci, Eleutherii, Martini & Germani sacris pignoribus ma-
 nus adnotæ; qui, ut Francia tutelares Divi, testes in-
 vocati, iidemque, si sciens volensque olim falleret, vindic-
 ces & ultores futuri. In eadem verba etiam nobilitas
 adacta, ex animi sui sententia Jusjurandum concepit.*

(s) In **GREGORIUM TURONENSEM** digitum inten-
 do; ejus loca annotavit **ALTESERRA** de Ducibus
 & Comitibus, libr. I. C. V.

(t) Quod cum **ALTESERRA** adeo defendit **ITTERUS**
 de F. J. C. l. §. XV. ut rem certam esse & historiarum
 fide niti adfirmet, minime demonstret.

gni aut Regis utilitas posceret, via præcluderetur, aut saltem impeditior difficiliorque redderetur. (u) Quodsi forte alicubi beneficiorum in filios ista ætate devolutorum exempla occurrant; ea potius singulari Regum gratiæ, quam legibus firmato succedendi ordini, tribuenda videntur. (x) Id vero extra dubitationis aleam positum, vicariam Ducum Comitumque potestatem crevisse, Regum Majestate, ut supra cognovimus, collapsa.

§. XXVIII.

Quæ quum ita sint, sine negotio confequitur, jus beneficii tunc temporis non tantum ob turpem FIDEI VIOLATIONEM; (y) sed

De ejusdem amissione.

I. 3.

&

- (u) Addatur illustr. Dn. THOMASII *diff. de orig. feud.* §. 16. 17. *cum adnotat.* ubi varias aliorum sententias sub incudem revocavit, mihiq; igitur otium fecit.
- (x) Videatur locus FREDEGARII SCHOLASTICI, de Radulfo Duce, quem *pag. 26.* adscripsi.
- (y) Recte itaque ALTESERRA *de orig. & statu feud. p. 5. edit. Schib.* feudum amitti, ait, ob culpam vasalli, *ex Consuetudine Francorum.* Conf. quæ de Bojoariz Ducibus *pag. 34. ad fin. not. (k)* adposui. Nec præmittenda hic sunt, quæ BRUNNERUS *in annal. Boicæ P. I. L. V. in fin. C. XI. p. 696. cit. edit. de Thassilone.* Bojoariz Duce, qui à Pipini Regis fide & clientela

se

& non nunquam pro REGUM ARBITRIO, (z) neglecta curatori causæ cognitione, beneficiariis ablatum esse; vel saltem ab eorum OBITU ex ordine expirasse. (zz)

§. XXIX.

Conclusio.

Atque hæc de prima feudorum imperii origine atque indole, quæ Caroli M. ætatem antecessit, nunc differuisse, sufficiat. Hanc vero propediem, juvante Deo, ALTERA excipiet DE STATU FEUDORUM IMPERII SUB CAROLO M. dissertatio; & hanc PLURES DE ILLORUM CONDITIONE, SUB ALIIS GERMANIÆ REGIBUS ATQUE IMPERATORIBUS, antequam ipsa juris capita exponantur. Tu vero, B. L. vale interea, faveque!

se subdlexerat, Regisque exercitum cum suis perfidus deseruerat, ad annum 764. his verbis refert: *Digna res visa est, de qua Franci in Comitibus publicis sententiam ferrent, quæ sequenti mox. anno Wormatiæ habita sunt. Una omnium vox fuit, Bojuni transugam bello petendum, prodendumque etiam posteris exemplum, daram Franci fidem à nemine impune violatam; quos qui amicos ferre non potuerit, multo egrius hostes passurum. Verum, ingruente Aquitanico bello, unde plus periculi imminerebat, Boicum in præsens, quamquam stimulet ira, omittendum necessario fuit: neque Pipino, donec vixit, tantum citi fuit, ut Thassilonem, hostem judicatum, armis persequi posset. Sexagesimo octavo anno moriens, perfidia illius ultionem Saperi, filiusque Carolus, & Carolomanno reliquit.*

(z) Exempla narrat non pauca GREG. TURON. in *hisor. Franc. veluti libr. IV. cap. XXXIV. cap. XXXVIII. &c.*

(zz) Vulgararia tamen militum beneficia in filios digniores mox transiisse, defenditur in GUNDLINGIANIS P. XV. O. II. §. p.

TANTUM.

AP.

APPENDIX THESIUM.

I.

Germaniæ, status sub Francorum Regibus fuit monarchicus, libertate tamen ordinum temperatus.

II. Posteaquam vero superioritas, quam vocant, territorialis pedetentim stabilita fuit, reipublicæ irregularis formam induere cœpit.

III. Quare perperam dicitur respublica mixta regularis; quippe quæ chimæra est politica.

IV. Jus circa sacra supremum rectissime sibi Francorum Reges vindicarunt.

V. Hoc enim civilis imperii partem, ad reipublicæ salutem maxime necessariam, constituit.

VI. A vero igitur aberrant, qui jus istud Episcopis proprium esse arbitrantur, atque Imperantibus Evangelicis jus tantum fiduciarium in ecclesiarum moderamine tantisper tribuunt.

P.R.B.

PRÆNOBILISSIMO atque HONORATISSIMO
RESPONDENTI SUO.
AMICO ÆSTUMATISSIMO,
SALUTEM PLURIMAM DICIT

P R A E S E S.

EX quo, auctore *Summe Reverendo Parente, Supremo ecclesiarum Frisiae Orientalis Praefule*, in celeberrimam hanc Musarum Sedem te contulisti, *Prenobilissime COLDEWEY*, meis statim scholis adeo constantiter interesse coepisti, ut jurisprudentiam tum naturalem, tum civilem, tum feudalem, tum publicam, & me Doctore, pedetentim didiceris. Quapropter mearum nunc esse partium duxi, non solum benevolum in me animi adfectum publice depraedicare, gratesque Tibi debitas persolvere; sed & strenuam, qua bonarum artium, inque primis Jurisprudentiae studium, triennio, & quod excedit, semestri, in FRIDERICIANA nostra, perfecisti, diligentiam encomio haud fucato ornare. Quas quidem officii rationes ut lætus hodie exsequor: ita spem quoque concipio certissimam, fore, ut, auspice SUMMO NUMINE, atque PATRE PATRIÆ TUE INDULGENTISSIMO, SERENISSIMO Frisiorum PRINCIPE, largitore, me etiam cum amicis omnibus enixe vovente, digna virtutibus Tuis aliquando feras præmia, atque iisdem in Summi NUMINIS gloriam, Patriæ salutem, Parentumque Optimorum solatium, ac bonorum omnium gaudium, ut par est, utaris. Hanc quum feliciter metam contigeris, ne mei obliviscaris, sed potius & absens me amore prosequi pergas, est, quod maximo-
pere a Te peto atque contendo. Vale!